捣藻堂四庫全書

音薈


要

史部

欽定四庫全書替要 史部

詳校官編修臣王天禄





景晷以正地中分列境界上當星次皆略依古而又作 求中分星辨國妖祥察候皆可推考而獨無所謂璿樂 儀以候天地而渾天周髀宣夜之說至於星經歷法皆一 得耶不然二物者莫有知其為何器也至漢以後表測 食星變傳載諸國所占次舍伏見逆順至於周禮測景 斯客者必積聚人之智然後能極其精 散盖自三代 玉衡者豈其不用於三代耶抑其法制遂亡而不可復 以來詳矣詩人所記婚禮土功必候天星而春秋書日

常定於中全無南北之異盖渾儀無黃道久矣太宗異 器乃亡漢洛下閣作渾儀其後買達張獨等亦各有之 言舜在琦璣玉衡以齊七政則渾天儀也周禮上圭正 所以禮告人君者皆有司所宜謹記也貞觀初淳風上 出於數術之學唐與太史李淳風浮圖一行尤稱精博 而推驗七曜並循赤道按冬至極南夏至極北而赤道 日景以求地中有以見日行黃道之驗也暨于周末此 後世未能過也故採其要說以者於為至於天象變見

其說因鉛為之至七年儀成表裏三重下據準基狀如 南北将仰以觀天之辰宿下以識器之晷度皆用銅帝 極比樹北辰南矩地軸傍轉於內玉衛在玄樞之間而 璣規月遊規列宿距度七曜所行轉於六合之內三日 軍緯規金常規相結於四極之內列二十八宿十日十 十字末樹盤足以張四表一日六合儀有天經雙規金 四将儀玄樞為軸以連結玉衛将衛而貫約矩規又玄 二辰經緯三百六十五度二曰三辰儀圓徑八尺有墙 琴三十一

鑄以銅鐵十一年儀成一行又曰靈莹鐵儀後魏解關 奏黃道将儀古有其術而無其器告人潜思皆未能得 道儀率府兵曹參軍梁令墳以木為将儀一行是之乃 稱善置於凝暉閣用之測候閣在禁中其後遂亡開元 所作規制朴略度到不均亦道不動乃如膠柱以考月 今令蹟所為日道月交皆自然契合於推步尤要請更 九年一行受韶改治新歷欲知黃道進退而太史無黃 行遲速多差多或至十七度少不減十度不足以稽天

元三日日 · · ·

二百四十九交以攜月将法煩難行遂寝廢臣更造将 象授人時李浮風黄道儀以玉衡旋規别帶日道傍列 儀使黄道運行以追列舍之變因二分之中以立黄道! 象永傅不朽於是玄宗嘉之自為之銘又記一行與令 交於奎較之間二至防降各二十四度黄道内施白道 月環用完陰陽眺胸動合天運簡而易從可以制器垂

數注水激輸令其自轉一晝夜而天運周外絡二輪級

瓒等更鑄渾天銅儀園天之家具列宿亦道及周天度

集賢院其黃道将儀以古尺四分為度旋樞雙環其表 成殿前以示百官無幾而銅鐵漸溫不能自轉遂藏於 撞之皆於櫃中各施輪軸到鍵閣鏁交錯相持置於武 翔望遲速有準立木人二於地平上其一前置鼓以 以日月令得運行每天西旋一周日東行一度月行十 三度十九分度之七二十九轉有餘而日月會三百六 至一刻則自擊之其一前置鐘以候辰至一辰亦自 五轉而日周天以木櫃為地平令儀半在地下晦明

於 至 日 車 白 blo

表裏畫周天度其一面加之銀釘使東西運轉如渾天 闊挟外方內圓孔徑一度半周日輪也陽經雙環表一 孔徑六分衡施於軸中旋運持正用窺七曜及列星之 将儀中旋樞軸至两極首內孔徑大两度半長與旋環 徑齊玉衛望南長四尺五寸八分廣一寸二分厚一寸 分古所謂旋儀也南北斜两極上下循規各三十四度 |大四尺六寸一分級八分厚三分直徑四尺五寸九|

丈七尺三寸裏一丈四尺六寸四分廣四寸厚四分直

雙間使樞軸及玉衛望衛旋環於中也陰緯單環外內 表裏畫周天度其一面加之銀釘半出地上半入地下 厚三分直徑五尺四寸四分直中國人項之上東西當 上為天下為地横周陽環謂之陰渾也平上為两界內 廣厚周徑皆準陽經與陽經相衛各半內外俱齊面平 即酉之中稍南使見日出入令與陽經陰緯相固如鳥 徑五尺四寸四分置於子午左右用八柱八柱相固亦 外為周天百刻天頂單環表一丈七尺三寸經廣八尺

). I. WY

お書

道者當天之中二十八宿之位也雙規運動度穿一穴 古者秋分日在角五度今在較十三度冬至日在牵牛 殼之裏黄南去亦道三十六度去黄道十二度去北極 四尺五寸九分横八分厚三分直徑四尺五寸八分赤 五十五度去南北平各九十一度强亦道單環表一丈

皮匹庫在書

寸一分横八分厚四分直徑四尺八寸四分日之所行

去天頂三十六度而横置之黄道單環表一丈五尺四

初今在斗十度随穴退交不復差謬傍在卯酉之南上

古亦無其器今段於黄道環內使就黃道為交合出入 交白道月環表一丈五尺一寸五分横八分厚三分直 徑四尺七寸六分月行有迂曲運速與日行緩急相反 時上列三百六十策與用卦相準度穿一穴與赤道相 極畫两方東西列周天度數南北列百刻可使見日知 故名黄道太陽防降積歲有差月及五星亦隨日度出 此環置於亦道環內仍開合使運轉出入四十八度 而 入古無其器規制不知準的斟酌為率疎陽尤甚今該

自動

角距星去極九十一度九八十九度氏九十四度房百 崇一尺七寸半槽長六尺九寸高廣皆四寸池深一寸 雲俱在水平槽上皆用銅其所測宿度與古其者指經 廣一寸半龍能與雲雨故以節柱柱在四維龍下有山 會皆用鋼鐵将儀四柱為龍其崇四尺七寸水槽及山 十六度牵牛百六度須女百度虚百四度危九十七度| 八度心百八度尾百二十度箕百一十八度南斗百一 六度以測每夜月離上畫周天度數度穿一穴擬移交

琴三十一

度東井七十度與鬼六十八度柳七十七度七星九十 胃品七十四度畢七十八度觜鶴八十四度参九十四 管室八十三度東壁八十四度奎七十三度姜七十七 九度牽牛百四度須女百一度虚百一度危九十七度 心百一十度尾百二十四度箕百二十度南斗百一十 十三度半九九十一度半氏九十八度房百一十度半 度張九十七度異九十七度較九十八度今測角九

營室八十五度東壁八十六度全七十六度よ八十度

壁各得本度畢赤道十六度黃道亦十六度觜鶴亦道 度胃昴七十二度畢七十六度觜鶴八十二度參九十 道復經角中與天象合虚北星舊過入虚今測在須女 九十三度半張百度異百三度軫百度又舊經角即星 西大星故壁損二度奎增二度今復即西南大星即奎 九度危北星舊圖入危今測在虚六度半又至誤距以 正當亦道黃道在其南今測角在亦道南二度半則黄 三度東井六十八度與鬼六十八度柳八十度半七星

央四星為朱鳥索外二星為翼北距以翼而不距以曆 箭鶴總二度黃道損加一度蓋其誤也今測畢十七度 張各得本度其他星舊經文昌二星在與鬼四星在東 半觜鶴半度又柳誤距以第四星今復用第四星張中 故張增二度半七星減二度半今復以膺為即則七星 二度黄道三度二宿俱當黄道斜虚畢尚與赤道度同

異八度衛在較八度開陽在角七度村在九四度天關

唐書

井北斗樞在七星一度斑在張二度機在翼二度權在

東井中台在七星建星在黃道北半度天苑在品車王 良在壁外屏在前聽雷電在亦道外五度霹靂在亦道 較十度半開陽在角四度少杓在角十二度少天關天 在張十二度半機在翼十三度權在翼十七度太衡在 屏雲雨虚梁在黄道外天困上公吏在赤道外上台在 在黄道南四度天尊天存在黄道北天江天高狗國外 外四度八魁在營室長垣羅堰當黃道今測大昌四星 一星在與鬼一星在東井北斗樞在張十三度玩

少冬至在斗十度去亦道南二十四度夏至在井十三 黄道春分與赤道交於全五度太秋分交於較十四度 赤道內二度霹靂四星在赤道內一星在外八點五星 苑在胃品王良四星在奎一星在壁外屏在軍雷電在 七度虚梁在黄道内四度天图當赤道土公吏在赤道 在壁四星在管室長垣在黄道北五度羅堰在黄道北 内六度上台在柳中台在張建星在黃道北四度半天

尊天椁天江天髙狗國外屏皆當黃道雲雨在黃道內

中植鍼為樞令可環運自中樞之外均刻百四十七度 **價日月相隐蔽以為晝夜遠北極常見者謂之上規南** 差數著之歷經盖天之說李淳風以為天地中高而四 狀見矣削篾為度徑一分其厚半之長與圖等穴其正 度少去亦道北二十四度其亦道带天之中以分列宿 月行出入黄道為圖三十六完九道之增損而蓋天之 極常隐者謂之下規亦道横絡者謂之中規及一行考 之度黄道斜運以明日月之行乃立八節九限校二道

度數移之於渾天則一也又亦道內外其廣狭不均若 聚星疏密之狀與仰視小殊者由渾儀去南極漸近其 全度之未旋為外規規外太半度再旋為重規以均賦 度益狭而盖圖漸達其度益廣使然若者其去極人宿 皆以篾横考入宿距縱考去極度而後圖之其赤道外 辰次之中以立宿即按渾儀所測甘石巫咸聚星明者 統即極三十五度旋為內規乃步冬至日雖所在以正 周天度分又距極極九十一度少半旋為赤道帶天之一

1. 1. T.

店書

肯道差數以寬度量而識之然後規為肯道則周天成 得其正自二分黃赤道交以規度之則二至距極度數 就二至出入赤道二十四度以規度之則二分所交不 不得其正當求赤道分至之中均則為七十二限據每

之法初淳風造歷定二十四氣中唇與祖沖之短長煩

度量而識之然後規為月道則周天成得其正矣中各

定陰陽歷二交所在依月去黄道度率差一候亦以篾

得其正矣又考黃道二分二至之中均刻為七十二候

景於地千里而差一寸尺有五寸者南戴日下萬五千 今類川陽城是也宋元嘉中南征林邑五月立表望之 唇求其土中以為定數其議曰周禮大司徒以土主之! 異然未知其孰是及一行作大行歷記太史測天下之 日在表北交州影在表南三寸林邑九寸一分交州去 里地與星辰四将升降於三萬里內是以半之得地中 法測土深日至之景尺有五寸謂之地中鄭氏以為日

洛水陸之路九千里盖山川回折使之然以表考其弦

十餘度八月海中望老人星下列星聚然明大者甚敢 當五千乎開元十二年測交州夏至在表南三寸三分 曙盖近日出沒之所太史監南官說擇河南平地設水 京師六千九百里其北又有首利幹居瀚海之北北即 與元嘉所測略同使者大相元太言交州望極緩高二 大海書長而夜短既夜天如瞧不暇夕肠羊胂総熟而 二十度已上之星則見又鐵勒回紀在薛延陀之北去 古所未識題渾天家以為常沒地中者也大率去南極

寸一分半定春秋分五尺四寸三分以覆矩斜視極出 唇差二寸餘而指說王畿千里影差一寸安兵今以句 股校陽城中晷夏至尺四寸七分八釐久至丈二尺七 津唇尺三寸六分半大率五百二十六里二百七十步 溝唇尺四寸四分又南百六十里百一十步至上蔡武 唇尺五寸三分又南百六十七里二百八十一步得扶 五寸七分又南百九十八里百七十九步得沒儀岳臺

大三日 日 山 山 山

店書

準繩墨植表而以引度之自清臺始白馬夏至之唇日

度三分冬至丈三尺定春秋分五尺五寸六分自沒儀 表視之極高三十四度八分冬至大二尺八寸五分定 地三十四度十分度之四自滑臺表視之極高三十五 武津表視之極高三十三度八分冬至丈二尺三寸八 春秋分五尺五寸自扶溝表視之極高三十四度三分 盈縮難以目校大率三百五十一里八十步而極差一 分定春秋分五尺二寸八分其北極去地雖秒分微有 冬至丈二尺五寸五分定春秋分五尺三寸七分上祭

度極之遠近異則黃道軌景固随而變矣自此為率推 圖斜視極高四十度差陽城五度三分凡南北之差十 六尺四寸四分半以圖測之定氣六尺六寸二分半按 軍夏至二尺二寸九分冬至丈五尺八寸九分春秋分 圖斜視極高二十九度半差陽城五度三分蔚州横野 分四尺三寸七分半以圖測之定氣四尺四寸七 分按 之比歲武陵唇夏至七寸七分冬至丈五寸三分春秋

度半其徑三千六百八十八里九十步自陽城至武陵

|寸三分夏至在表南三寸三分差陽城十四度三分其 十一里二百十四步夏至唇差尺五寸三分自陽城至 千八百二十六里七十六步自陽城至横野千八百六 北方差多又以圖校安南日在天頂北二度四分極高 武陵差七寸三分自陽城至横野差八寸冬至唇差五 二十度四分冬至春七尺九寸四分定春秋分二尺九 至横野差三尺一寸八分率夏至與南方差少冬至與 尺三寸六分自陽城至武陵差二尺一寸八分自陽城

萬十七度四分周圓三十五度常見不隐冬至晷六尺 春秋分唇五尺八寸七分其沒地總十五餘度夕沒玄 地亦差十七度四分與林邑正等則五月日在天頂南 其徑六十一百一十二里若令即陽城而北至鐵勒之 九寸定春秋分二尺八寸五分夏至在表南五寸七分 徑五千二十三里至林色日在天頂北六度六分强極 二十七度四分極髙五十二度周圓百四度常見不隐 至唇四尺一寸三分南至唇二丈九尺二寸六分定 唐書 古四

一飲定四庫全書 萬里其徑五萬里宇宙之廣豈若是乎然則蓄之行以 猶在其南矣吳中常侍王蕃考先儒所傅以戴日下萬 千八百一十五里則極長之晝其夕常明然則骨利幹 五十里為可股斜射陽城者周徑之率以換天度當十 西晨出五東校其里數已在回紀之北又南距洛陽九| 蠡測海者也古人所以特可股街謂其有證於近事題 在戴日之南則一度之廣皆三分減二南北極相去八 四百六里二十四步有餘今測日唇距陽城五十里已

浮於巨海不知樂千萬里循見日月朝夕出入其中矣 若於朝夕之除俱設重差而望之公將大小同術無以 将於太湖廣家不盈百里見日月朝夕出入湖中及其 未知目視不能及遠遠則微差其差不已遂與行錯管 其下則當無影試從南表之下仰望北表之端必將積 其崇皆數十里置大炬於南表之端而植八尺之木於 微分之差漸與南表於合表首於合則置炬於其上亦! 钦定四庫全書 分矣横既有之縱亦宜然又若樹两表南北相即十里

當無影矣又置大好於北表之端而植八尺之木於其 分之差漸與北表参合表首参合則置炬於其上亦當 下則當無影試從北表之下仰望南表之端又將積微 不測之中又可必乎十三年南至公宗禮軍自上傅呼 里之萬與十里之廣然猶斜射之影與仰望不殊今欲一 環屈相合若置火炬於两表之端皆當無影矣夫數十 無影矣後於二表問更植八尺之木仰而望之則表首 児是差以指達近髙下尚不可知而况格周天里步於

萬歲聲聞於下時山下夜漏未盡自日觀東望日已漸 髙據歷法晨初迎日出差二刻半然則山上所差凡三 刺餘其冬至夜刻同立春之後春分夜刻同立夏之後 時欽若乾象不在於渾盖之是非若乃述無稽之法於 不在於辰次之周徑其所以重歷數之意將欲恭授人 乎原古人所以步走影之意將以節宣和氣輔相物宜! 十里之崇以立句股術固不知其所以然况八尺之表 自岳趾升泰增僅二十里而晝夜之差一節設使因二 / E

視聽之所不及則君子當關疑而不議也而或者各守 所傳之器以述天體謂渾元可任數而測大象可運算 冬夏不同南北亦異先儒一以里數齊之遂失其實今 雅川之徒區區於異同之辨何益人倫之化哉凡唇差! 渾蓋之家盡智畢議未能有以通其說也則王仲任為 之度漸疾果以為渾天邪則北方之極爱高此二者又 而關終以六家之說选為矛植誠以為蓋天耶則南方 定匹庫全書 巻三十一

更為覆矩圖南自丹穴北暨坐都每極移一度輕累其

協其數矣昭宗時太子少詹事邊岡修歷術服其精粹 差可以稽日食之多少定晝夜之長短而天下之暑皆 自岷山崎冢負地絡之陽東及太華連商山熊耳外方 東循塞垣至減貊朝鮮是謂北紀所以限戎狄也南成 及太華逾河並雷首底柱王屋太行北抵常山之右乃 之象存乎两戒北戒自三危積石負終南地絡之陰東 二次度數始以唐之州縣配馬而一行以為天下山河 以為不利之數也初負觀中浮風誤法家志因漢書十

灾 足日華 全書

一類像達東歐閩中是謂南紀所以限蠻夷也故星傳謂 東流與涇渭濟清相為表裏謂之北河江源自南紀之 徽達華陰而與地絡相會並行而東至太行之曲分而 北戒為胡門南戒為越門河源自北紀之首循雅州北 桐相自上洛南通江漢攜武當荆山至于衛陽乃東循 於天象則弘農分陕為两河之會五服諸侯在馬自陕 山之陽分而東流與漢水淮濱相為表裏謂之南河故 首循梁州南徽莲華陽而與地絡相會並行而東及荆

魯南涉江淮為其越皆負海之國貨殖之所阜也自河 隨皆四戰用文之國也北紀之東至北河之北為那趙 陳蔡河内及濟水之陽為都衛漢東濱淮水之陰為申 為三齊夾右碣石為北熊自南河下流北距岱山為鄒 南紀之東至南河之南為荆楚自北河下流南即弘山 西即外方大伍北至于濟南至于淮東達鉅野為宋鄭 巴蜀皆負險用武之國也自陕而東三川中岳為成周 而西為秦京北紀山河之曲為晉代南紀山河之曲為 出台

衛騰參伐皆直天關表而在河陰故實沈下流得大梁 宿七緯之氣通矣東井據百川上流故熟首為秦蜀墟 於易五月一陰生而雲漢潜的于天稷之下進及井鉞 源循塞垣北東及海為戎狄自江源循嶺徽南東及海 距河稍遠涉陰亦深故其分野自淹濱卻負恒山居北 得两戒山河之首雲漢達坤維右而漸升始居列宿上 為蠻越觀兩河之象與雲漢之所始終而分野可知矣 間得坤維之氣陰始達於地上而雲漢上升始交於列

一缸定四庫全書

巻三十一

進踰乾維始上達于天雲漢至管室東壁間升氣悉完 周河内皆豕章分十一月一陽生而雲漢漸降退及艮 在雲漢升降中居水行正位故其分野當中州河濟間 上流自北正達於東正得雲漢降氣為山河下流限皆 與內規相接故自南正達於西正得雲漢升氣為山河 紀架山之東南外接超頭地皆河外陰國也十月陰氣 維始下接于地至斗建間復與列舍氣通於易天地始 一王良閣道山紫垣絕漢抵營室上帝離宫也內接成

CO ALD TO HOLD TO ALLO

唐書

交泰象也翰析木津陰氣監降進及大辰升陽之氣完 東南負海為星紀自北河未冰窮北紀之曲東北負海 漢未派山河極馬故其分野自南河下流躬南紀之曲 故為中州負海之國也其地當南河之北北河之南界 解皆房心象也星紀得雲漢下流百川歸馬析木為雲 而雲漢沈潜於東正之中故易雷出地曰豫龍出泉為 王畿河濟問降婁玄枵與山河首尾相遠隣顓頊之墟 為析木負海者以其雲漢之陰也唯限營內接紫官在

次足日事 年 直建已之月內列太微為天庭其分野自南河以負海 宗西至陳留北負河濟南及淮皆和氣之所布也陽氣 自明堂漸升遠于龍角日壽星龍角謂之天關於易氣 以陽決陰共象也升陽進踰天關得純乾之位故親尾 日大火得明堂升氣天市之都在馬其分野自鉅野公 北負河南及漢盖寒燠之所均也自析木紀天漢而南 位軒轅之祇在馬其分野白河華之交東接祝融之墟 唐書

以岱宗至于東海自熟首節河戒東曰熟火得重離正

為列山氏之墟得四海中承太階之政者軒轅也故為 帝車相直皆五帝墟也完成池之政而在乾維內者降 妻也故為少昊之墟叶北宮之政而在乾維外者風苦 漢自坤抵艮為地紀北斗自乾擔異為天綱其分野與 亦純陽地也壽星在天關內故其分野在商墓四南淮 故為太昊之墟布太微之政而在異維外者鶉尾也故 水之陰北連太室之東白陽城際之亦異維地也大雲 也故為顓頊之墟成攝提之政而在異維內者壽星也

者四為四戰之國降宴玄枵以負東海其神主於公宗 其餘列台在雲漢之陰者八為負海之國在雲漢之陽 為南方員海之國魁以治内故軍营為中州四戰之國 布也斗魁謂之會府陽精之所後也杓以治外故熟尾

明而過亢皆非上帝之居也斗杓謂之外廷陽精之所

子終皆陰陽變化之際也若微者沈潜而不及章者島

得天地之軍氣其神治於孟月故軍道存乎至微道存

有熊氏之墟木金得天地之微氣其神治於季月水火

一次 包日事 至于

形雌韓而雄魏魏地西距高陵盡河東河内北固潭都 歲星位馬星紀親尾以負南海其神主於衛山熒惑位 統而直以親火為周分則疆場好矣之國之初天下地 星土者或以州或以國處夏秦漢郡國簽置不同周之一 星承幸為中州其神主於萬丘鎮星位馬近代諸儒言 析木以負比海其神主於恒山辰星位馬親火大大毒 典也王畿千里及其哀也僅得河南七縣今又天下一 馬親首實光以自西海其神主於華山太白位馬大梁

成差遷徙不同今更以七宿之中分四象中位自上元 或者猶據漢書地理志推之是守甘石遺行而不知變 達號略距虽谷固宜陽北連上地皆綿豆數州相錯如 通之數也又古之辰次與節氣相係各據當時歷數與 未減時星家之言屢有明效今則同在畿甸之中矣而 則西河合於東井秦放宜陽而上黨入於與鬼方戰國 繡考雲漢山河之象多者或至十餘宿其後魏徒大梁

元三日日 白土

唐書

東分梁宋至於汝南韓據全鄭之地南盡額川南陽西

警之下流自濟東達于河外故其祭著為天津絕雲漢 淳于萊譚寒及斟尋有過有馬浦姑氏之國其地得限 齊那及平原渤海九河故道之南濱于碣石古齊紀祝! 濟北東踰濟水涉平陰至于山在循弘岳界山之陰東 三百七十四度四少中虚九度終危十二度其分野自 南及高密又東盡萊夷之地得漢北海千乘淄川濟南 據山河以分爾須女虚危玄枵也初須女五度餘二十一 之首以度數紀之而著其分野其州縣雖改禄不同但

之陽凡可人之星與羣臣之録皆主虚危故岱宗為十 與吳越同占營室東壁取營也初危十三度餘二千九 古那庸衛凡胙利雅共微觀南燕昆吾豕章之國自閣 行而東得漢河內至北紀之東隅北負漳都東及館陶 百二十六秒一太中營室十二度終全一度自王屋太 二諸侯受命府又下流得婺女當九河未派比于星紀 即城又自河濟之交涉帶沒濱濟水而東得東郡之地

道王良至東壁在豕韋為上流當河內及漳都之南得

). ... N9/

唐書

好部郡邳部任宿須可嗣史年遂鑄夷介根年及大庭 漢東平魯國琅琊東海泗水城陽古魯薛邦古小邦徐 東至于日梁乃東南抵淮並淮水而東盡徐夷之也得一 岱岳衆山之陽以負東海又濱四水經方輿沛留彭城 奎姜降婁也初奎二度餘千二百一十七秒十七少中| 山河之會為離官又循河濟而東接支枵為營室之分 **近四月在言** 度然胃三度自蛇丘肥城南局鉅野東達梁父循

氏之國全為大澤在限管下流當卸野之東陽至于淮

自魏郡濁漳之北得漢趙國廣平鉅應常山東及清河 胃得馬牧之氣與其之北土同占胃品里大梁也初胃 頭故地為即分真之北土馬牧之所籍庶故天苑之象 山河以蕃屏中國為畢分循北河之表西盡塞垣旨髦 門雲中定襄之地與北方羣狄之國北紀之東陽表裏 四度餘二千五百四十九秒八太中昴六度終畢九度 四妻胃之墟東北負山益中國膏腴地百穀之所早也 都北據中山真定全趙之分又北通眾山盡代郡馬

東里日車全書

唐書

之一中參七度終東井十一度自漢之河東及上黨太 其南曲之陰在晉地聚山之陽南曲之陽在秦地聚山 河東畫大夏之雄上當次居下流與趙魏接為衛鶴之 及河曲豐勝夏州皆東井之分於伐為戎索為武政當 之陰陰陽之氣并故與東井通河東永樂芮城河北縣 狄之國西河之濱所以設險限秦晋故其地上應天闕 原盡西河之地古晉魏虞唐取揚霍冀黎鄉與西河戎 存馬觜觽參後實沈也初畢十度餘八百四十一秒四 飲定四庫全書 首之外雲漢潛流而未達故狼星在江河上源之西弘 之陽自漢中東盡華陽與親火相接當地絡之東南親 居两河之陰自山河上流當地絡之西北與鬼居两河 古秦梁極的豐畢貼在有危客須庸蜀羌勢之國東井 地及西南夷犍為越舊益州郡極南河之表東至牂牁 北地上郡安定西自隴城至河右西南盡巴蜀漢中之 二秒十五太中東井二十七度終柳六度自漢三輔及 分東井與思熟首也初東井十二度餘二千一百七十 管郎東號容消焦唐随中郅及祝融氏之都新鄭為軒 十四秒七少中七星七度終張十四度北自荣澤荣陽 夷人皆占狼星柳七星張鶉火也初柳七度餘四百六 並京索暨山南得新鄭密縣至外方東隅斜至方城抵 北河之南西及函谷通南紀達武當漢水之陰盡弘農 矢犬雞皆像外之備也西羌吐蕃吐谷渾及西南像外 相北自宛禁南監漢東盡漢南陽之地又自雖色負 以淮源桐柏東陽為限而申州属壽星古成周號鄭

九三日年七号 夏 鬱林合浦之地自沅相上流西達點安之左皆全楚之 分自富昭象龔繡容白庶州已西亦鶉尾之墟古荆楚 全達盧江南部濱彭蘇之西得長沙武陵又通南紀畫 二度終彰九度自房陵白帝而東盡漢之南郡江夏 唐書

岳家也河南之分張直南陽漢東與鶉尾同占異較 尾也初張十五度餘十七百九十五秒二十二太中翼

當商洛之陽接南河上流七星係軒轅得上行正位中一

較祝融之墟其東鄙則人壽星柳在與鬼東又接漢源

河之北較在天關之外當南河之南其中一星主長沙 那都羅權巴變與南方蠻貊之國翼與味張同家當南

之東陽宜属熟火而柳七星張皆當中州不得連負海 逾續像而南為東甌青丘之分安南諸州在雲漢上源 之地故麗於鶏尾角亢壽星也初較十度餘八十七秒

十四少中角八度終成一度自原武管城濱河濟之南

涉南陽郡至于桐柏又東北抵萬之東陽中國地絡在

東至封丘陳留盖陳蔡汝南之地通淮源至于之陽西

南接太昊之墟盡漢濟陰山陽楚國野沛之地古宋曹 色小黄而東循濟陰界于齊魯右四水達于日梁乃東 千四百一十九秒五太中房二度終尾六度自雅丘襄 南直頹水之間曰太昊之墟為亢分又南涉淮氣連鶉 南北河之間首自西傾極于陪尾战随申光皆豫州之 尾在成尚之東陽為角分氏房心大火也初氏二度餘 弦厲之國氏涉壽星當洛邑眾山之東與亳土相接次 分宜属熟火古陳葵許息江黃道相沈賴勢須賴胡防

于粉码皆北紀之所窮也箕與南斗相近為遼水之陽 夷之國尾得雲洪之未派龜魚魔馬當九河之下流濱 成膝茅部蕭葛向城個陽中父之國商 直負北河陽氣 漁陽右北平途西途東樂浪玄苑古北燕孤竹無終九 斗八度自勃海九河之北得漢河間涿郡廣陽及上谷 尾七度餘二千七百五十秒二十一少中箕五度終南 之所升也為心分豐沛負南河陽氣之所布也為房分 其下流與尾同占西接陳鄭為氏分尾箕析木津也初

南通鎮徼為越分島夷蠻貊之人聲教所不暨皆係于 流當淮海問為吳分牽牛去南河愛遠自豫軍近會稽 南海通镇表自部廣以西珠崖以東為星紀之分也古一 南河得漢丹陽會稽豫章西濱彭蠡南涉越門記落梧 度白盧江九江自淮水南畫臨淮廣陵至于東海又逾 盡朝鮮三韓之地在吳越東南斗牽牛星紀也初南斗 吳越奉舒盧桐六葵及東南百越之國南斗在雪漢下! 九度餘千四十二秒十二太中南斗二十四度終女四

諸侯專權則其應在所宿國諸侯附從則為王者事四 欽定四庫全書管要卷五十一百六十三史部 日食武徳元年十月壬申朔日有食之在氏五度占曰 志第二十二 唐書卷三十二 八月丙戌朔日有食之在翼四度楚分也六年十二 天文志 學 唐書 歐 陽 修 撰

正月乙卯朔日有食之在虚九度虚耗祥也八年五月 度七月甲子朔日有食之在張十四度占為禮失六年 胃為天倉亢為疏廟二年三月戊申朔日有食之在妻 月壬寅朔日有食之在南斗十九度吳分也九年十月 五度占曰旱四年閏正月丁卯朔日有食之在營室四 日有食之在胃九度九月庚戌朔日有食之在九五度 丙辰朔日有食之在氏七度 貞觀元年閏三月癸丑朔 度占為大臣憂三年八月已已朔日有食之在翼

四庫生書

卷三十二

食之在婁二度占為大臣憂十二年閏二月庚辰朔日 辛未朔日有食之在參七度九年閏四月丙寅朔日有 有食之在胃九度占曰主有疾二十二年八月己酉朔 食之在翼十四度異為遠夷十七年六月已卯朔日有 有食之在奎九度奎武庫也十三年八月辛未朔日有 食之在畢十三度占為邊兵十一年三月丙戌朔日有 有食之在房三度房将相位二十年閏三月葵已朔日 食之在東井十六度京師分也十八年十月年五朔日

·唐書

東井二十七度皆京師分也麟德三年閏三月癸酉朔 度三年十一月戊子朔日有食之在尾十度東井京師 有食之在柳五度龍朔元年五月甲子晦日有食之在 之在東井二十九度咸亨元年六月壬寅朔日有食之 朔日有食之在翼六度總章二年六月戊申朔日有食 日有食之在胃九度占曰主有疾乾封二年八月已酉 在東井十八度二年十一月甲午朔日有食之在箕九 日有食之在翼五度占曰旱顯慶五年六月庚午朔日

之在妻十三度占為大臣憂永隆元年十一月壬申朔 |朔日有食之在界七度如意元年四月丙申朔日有食 末朔日有食之在營室十五度四年六月丁亥朔日有 度十月庚申朔日有食之在房三度垂拱二年二月辛 之在尾四度永淳元年四月甲子朔日有食之在畢五 分箕為后妃之府尾為後官五年三月辛亥朔日有食 食之在東井二十七度京師分也天授二年四月去寅 日有食之在尾十六度開耀元年十月两萬朔日有食

大巴日年在書

唐書

之在胃十一度皆正陽之月長壽二年九月丁玄朔日 六月丁那朔日有食之在東井二十八度京師分也景 食之在畢十五度長安二年九月乙丑朔日有食之祭 朔日有食之在營室五度聖歷三年五月已酉朔日有 日有食之在較十八度較為車騎證聖元年二月已一回 有食之在角十度角內為天廷延載元年九月五午朔 曰君不安九月庚寅朔日有食之在九七度神龍三年 既在角初度二年三月壬戌朔日有食之在奎十度占

為丞相位先天元年九月丁那朔日有食之在角十 龍元年十二月乙丑朔日有食之在南斗二十一度斗 氏九度二十年二月甲戌朔日有食之在管室十度入 食之在較十八度十二年閏十二月丙辰朔日有食之 開元三年七月康辰朔日有食之在張四度七年五月 在虚初度十七年十月戊午朔日有食之不盡如鉤在 丑朔日有食之在畢十五度九年九月七已朔日有

月辛未朔日有食之在翼七度二十一年七月七五朔

唐書

日有食之終既在東井十九度京師分也至徳元載上 月壬子朔日有食之在畢十六度十三載六月乙丑朔 度天寶元年七月葵如朔日有食之在張五度五載五 之在九度二十八年三月丁亥朔日有食之在婁三 食之在南斗二十三度二十三年閏十一月壬午朔日 日有食之在張十五度二十二年十二月戊子朔日有 有食之在南斗十一度二十六年九月丙申朔日有食

月辛已朔日有食之既在氏十度上元二年七月葵未

之在尾六度宋分也十二年八月已未朔日有食之在 之在氏十一度宋分也十四年七月戊辰朔日有食之 朔日有食之在營室六度八年十一月壬子朔日有食 在張四度十二月丙寅晦日有食之在危十二度貞元 朔日有食之既大星皆見在張四度大歴三年三月て 二年八月平已朔日有食之在較八度五年正月甲辰 己朔日有食之在奎十一度十年十月辛酉朔日有食

翼十八度占曰旱十七年五月壬戌朔日有食之在東

الملف الما المقط التا الما

會昌三年二月庚申朔日有食之在東群一度并州分 也四年二月甲寅朔日有食之在營室七度五年七月 有食之在角十二度太和八年二月壬午朔日有食之 於丑朔日有食之在興鬼一度京師分也長慶二年四 井十度元和三年七月辛已朔日有食之在七星三度 月辛酉朔日有食之在胃十三度三年九月壬子朔日 十年八月已亥朔日有食之在翼十八度十三年六月 在奎一度開成元年正月辛丑朔日有食之在虚三度

食之在胃一度天祐元年十月年卯朔日有食之在心 朔日有食之既在胃八度文徳元年三月戊戌朔日有 食之在南斗十四度大中二年五月已未朔日有食之 玄枵亦耗祥也咸通四年七月年卯朔日有食之在張 十七度乾符三年九月乙亥朔日有食之在較十四度 在參九度八年正月丙戌朔日有食之在危一度危為 四年四月壬申朔日有食之在畢三度六年四月庚申 两年朔日有食之在張七度六年十二月戊辰朔日有

· 文 E O E do es

三度三年四月癸未朔日有食之在胃十二度凡唐著 紀二百八十九年日食九十三朔九十一晦二日 日變貞觀初突厥有五日並照二十三年三月日赤無

濮陽復日日無光主病咸亨元年二月壬子日赤無光 光李浮風曰日變色有軍急又曰其君無徳其臣歌國

丑四方濛濛日有濁氣色赤如赭上元二年三月丁

未日赤如赭永淳元年三月日赤如赭文明元年二月

辛己日赤如赭長安四年正月壬子日赤如赭景龍三

青赤氣三年正月丁已日有黃冠青赤珥年五亦如之 占為上刑急人不樂生天寶三載正月庚戌日軍五重 年二月庚申日色然赤無光開元十四年十二月已未 占曰是謂氣光天下有兵肅宗上元二年二月乙酉白 虹貫日大思二年七月两寅日旁有青赤氣長四丈餘 凡氣長而立者為直稱者為格立于日上者為冠直為 壬申日上有赤氣長二丈九月乙亥至于辛丑日旁有 日赤如赭二十九年三月丙午風霾日無光近畫昏也

有自立者格為戰關又曰赤氣在日上君有佞臣黃為 正月甲子日赤如血十年三月乙亥黃霧四塞日無光 土功青赤為憂貞元二年閏五月壬戌日有黑量六年 卷三十二

年正月已卯日然赤無光長慶元年六月已五白虹贯

月辛未白虹貫日十年正月辛卯日外有物如烏十

元和二年十月壬午日傍有黑氣如人形跪手捧盤向

日盤中氣如人頭四年閏三月日倚有物如日五年四

日三年二月庚戌白虹貫日實歷元年六月甲戌赤虹

如松平亥日中有黑子四月甲寅白虹贯日太和二年 費日九月甲申日赤無光二年三月甲午日中有黑氣 庚戌白虹費日八年七月甲戌白虹費日日有交量十 如關庚戌日中有黑子四月乙丑黑氣敝日七年正月 如關五年二月辛丑白虹貫日六年三月有黑禮與日 日月赤如血壬辰亦如之開成元年正月辛丑朔白虹 月壬寅白虹費日東西際天上有背玦九年二月辛卯 二月葵亥日無光白霧畫昏十二月葵亥有黑禮與日

). J., 🐠

葵 酉白氣貫日日有重量甲戌亦如之白氣兵象也十 通六年正月白虹貫日中有黑氣如雞卵七年十二月 費日二月已丑亦如之二年十一月辛已日中有黑子 夾日十二月癸卯朔日旁有黑氣來觸會昌元年十一 大如雞卵日赤如赭畫昏至于葵未五年正月已丑日 白虹贯日如王環大中十三年四月甲午日暗無光咸 量白虹在東如王環貫珥二月丙辰日有重量有赤氣 月庚戌日中有黑子四年正月戊申日無光二月已已

皮匹眉 全 ·

黃氣嚴日無光日不可以二虹百殃之本也中和三年 福元年五月日色散如黄金光化三年冬日有虹蜺背 關三日乃不見圖者離而復合也廣明元年日暈如虹 四年二月葵如白虹貫日乾符元年日中有黑子二年 如之光啓三年十一月已亥下晡日上有黑氣四年二 三月丙午日有青黃量四月丙辰亦如之丁已戊午又 月已丑日赤如血庚寅改元文德是日風日赤無光景 日中有若飛鷲者六年十一月丙辰朔有两日並出而 1. A.D. 唐書

環有着黑雲夾日長各六尺餘既而雲變狀如人如馬 |占重十一月葵||酉日中日有黃量旁有青赤氣二二年 色散如黃金十一月又如之三年二月丁丑日有赤氣 自東北至于東南天祐元年二月两寅日中見北斗其 正月甲申日有黄白暈暈上有青赤背乙酉亦如之暈 乃消舊占背者叛背之象日暈有虹者為大戰半暈者 -生白虹漸東長百餘丈二月已已日有黃白暈如半 爾自日有赤氣自東北至于東南天復元年十月日

灾四月百言 |

卷三十二

年建子月及己て夜月掩昴而暈色白有白氣自北貫 成日有黃白量青赤背 者為叛臣如馬者為兵三年正月辛未日有黃白軍上 虧者二天寶三載正月庚戌日有紅氣如垂帶肅宗元 相有謀落黑浸祥也夾日者賊臣制君之象變而如人 月見西方是調脈雕則侯王其舒武太后時月過望不 月變貞觀初突厥有三月並見儀鳳二年正月甲子朔 有青赤背二月英已日有黃白量如半環有青赤背東

唐書

于營室開成四年間正月甲申朔乙酉月在營室正個 買五車及異觜鶴參東井與思柳軒轅中夜散去占曰 東井五諸侯两河及與鬼東井京師分也大歷十年九 之昴胡也白氣兵喪建辰月丙戌月有黃白冠連暈圍 晉分及京師也元和十一年已未旦日已出有虹賞月 女主山白氣為兵喪五車主庫兵軒轅為後官其宿則 下散十二月 丙子月出東方上有白氣十餘道如匹練 月戊申月量尝惑畢品祭東及五車量中有黑氣乍合

卷舌字與基皆非常惡氣所生而災甚于其貞觀八年 申月昏而中未發而中早也占同上景福二年十一月 破質成早也占為臣下專恣之象五年正月戊寅朔甲 申夜月有三量裏白中赤黃外緑天祐三年二月丙申 有白氣如環貫月穿北斗連太微天復二年十二月甲 李彗武徳九年二月壬午有星李于胃昴間丁亥李于| 月暈袋惑

THE WOOD SELECTION

唐書

八月甲子有星李于虚危歷玄枵乙亥不見十二年三

并京師分中台文昌將相位兩河天闕也開耀元年九 行光芒益威長三尺掃中台指文昌九月乙酉不見東 封二年四月丙辰有彗星于東北在五車畢昴間乙玄 微犯郎位七月甲戌不見龍朔三年八月葵亦有彗星 月乙丑有星零于里界十五年六月已酉有星季于太 三年七月丁亥有彗星于東井指北河長三尺餘東北 于左攝提長二尺餘乙已不見攝提建時節大臣象乾 不見上元二年十二月壬午有彗星于角亢南長五尺

見二年二月丁酉有星字于胃昴間胡分也八月壬辰 機景龍元年十月壬午有彗星于西方十一月甲寅不 辛未夕有彗星于西方長丈餘八月甲辰不見是謂天 都河鼓將軍象永淳二年三月丙午有彗星于五車北 西方月聚陰之長星如月者陰威之極文明元年七月 丑不見市者貨食之所聚以衣食生民者一曰帝將**遷** 四月辛未不見光宅元年九月丁丑有星如半月見于

唐書

月丙申有彗星于天市中長五丈漸小東行至河鼓奏

有星字于然宫延和元年六月有彗星自軒轅入太微 胃昴果為趙紫鶴参為唐東井興思為京師分柳其半 舊念東井與鬼柳軒轅至右執法西凡五旬餘不見里 屋于東方在婁胃問色白長四尺東方疾行歷界異常 歷北斗點旬餘因雲陰不見乾元三年四月丁已有彗 有星學于畢界二十六年三月丙子有星字于然宫垣 至大角滅開元十八年六月甲子有彗星于五車及四 月辛酉朔有彗星于西方長數文至五月乃滅婁為魯

為周分二彗仍見者若禍也又妻胃問天倉大歷元年 六月葵卯近三公已未不見占曰色白者太白所生也 者星五年四月已未有彗星于五車光芒蓬勃長三丈 十二月已亥有彗星于匏瓜長尺餘經二旬不見犯官 五月已卯彗星見于北方色白葵未東行近八穀中星 二年正月戊子有彗星于畢長慶元年正月已未有星 參唐星也元和十年三月有長星于太微尾至軒轅十 七年十二月丙寅有長星于參下其長亘天長星彗屬

· 定日華全書 ·

成二年二月丙午有彗星于危長七尺餘西指南斗戊 季于翼二月丁卯季于太微西上將六月有彗星于昴 南指去戌在發女長二丈餘廣三尺葵亥愈長且闊三 攝提南長二八三年十月客星見于水位八年九月辛 長一丈凡十日不見太和二年七月甲辰有彗星于右 月甲子在南斗乙母長五丈其末两岐一指氏一掩房 申在危西南芒耀愈盛葵丑在虚辛西長丈餘西行稍 亥有彗星于太微長文餘西北行越郎位庚申不見開

端門內近屏星四月丙午東井下客星沒五月葵酉端 展出則西指夕出則東指乃常也未有遍指四方凌犯 有彗星于虚危虚危為玄枵枵若也三年十月七己 如此之甚者甲申容星出于東井下戊子容星别出于 有彗星于彰魁長二丈餘漸長西指十一月乙卯有彗 門内容星没壬午客星如李在南斗天篇旁八月丁酉 已長八丈餘在張癸未長三尺在軒轅右不見凡彗星| 丙寅長六丈無岐北指在九七度丁卯西北行東指己

唐書

東鲜問二十日減十一月戊寅有彗星于東方燕分也 舌西北二月已如不見五年二月庚申有彗星于管室 星于東方在尾箕東西回天十二月壬辰不見四年正 月葵酉有彗星于羽林衛分也閏月丙午有彗星于卷

會昌元年七月有彗星于羽林管室東肆間也十一月 壬寅有彗星于北落師門在營室入紫宫十二月辛卯

也十一年九月七末有彗星于房長三尺咸通五年五

不見并州分也大中六年三月有彗星于散参参唐星

有彗星于太陵東北指占為外夷兵及水災乾符四年 月已亥夜漏未盡一刻有彗星出于東北色黃白長三 有亂臣入宫三台太一三階也太微大角帝廷也天市 順二年四月庚辰有彗星于三台東行入太微掃大角 天市長十丈餘五月甲戌不見官者陳匡知星奏曰當 五月丙戌有星字于尾箕歷北斗攝提占曰貴臣誅大 五月有彗星光啓元年有彗星于積水積新之間二年 尺在妻徐州分也九年正月有彗星于妻胃十年八月

た 己 日 年 d d d s

唐書

孫儒攻楊行家于宣州有黑雲如山漸下墜于儒管上 長二尺許經數日乃從中天下如匹布至地如蛇六月 都市也景福元年五月蚩尤旗見初出有白彗形如髮 有七日益長至二十餘丈因雲陰不見乾寧元年正月 越有自立者十二月丙子天機出于西南已如化為雲 狀如破屋占曰營頭星也十一月有星字于斗牛占曰一 于上台長十餘丈東行入太微掃大角入天市經三旬 而沒二年三月天久陰至四月七一酉夜雲稍開有彗星

齊分也光化三年正月客星出于中垣官者旁大如桃 随東行狀如關經三日而二小星沒其大星後沒虚危 有星字于熟首春分也又星隕于西南有聲如雷七月 鋒芒在南方既而西方北方東方亦如之頃之又各增 光焰射官者官者不見天復元年五月有三赤星各有 三年十月有客星三一大二小在虚危間乍合乍離相 妖星見非彗非孛不知其名時人謂之妖星或曰惡星 一星凡十六星少時先從北滅占曰豫星也見則諸侯

R ALI D LEAT AL ALIO

唐書

占曰機星也下有亂天祐元年四月有星狀如人首赤 箕下如炬火炎炎上衝人初以為燒火也高丈餘乃隕 女丁卯有流星起文昌抵客星客星不動已已客星在 兵相攻二年正月客星如桃在然宫華蓋下漸行至御 红守之至明年猶不去占曰將相出兵五月夕有星當 送三十二

夕西北隅有星類太白上有光似彗長三四丈色如赭

血濁霧下天下冤後三日而黑風晦腹二年四月庚子

身黑在北斗下紫微中占曰天衝也天衝抱極泣帝前

辛丑夕色如寫或曰五車之水星也一曰昭明星也甲 高昌城中十六年六月甲辰西方有流星如月西南行 貞觀二年天狗預于夏州城中十四年八月有星預于 星變武德三年十月已未有星隕于東都中隱隱有聲 北河中國所經也文昌天之六司天市都市也 辰有彗星于北河貫文昌長三文餘陵中台下台五月 乙丑夜自軒轅左角及天市西垣光芒猛怒其長亘天 丙寅雲陰至辛未少霽不見两河為天關在東井間而

灾足四車全書

東薛有聲如雷占曰聲如雷者怒象十九年四月已酉 有星隕于賊管幹封元年正月英酉有星出太微東流 三丈乃滅占曰星甚大者為人主十八年五月流星出 有流星向北斗杓而滅永綴三年十月有流星貫北極 四年十月睦州女子陳碩真反婺州刺史崔義玄討之

光使星也神龍三年三月丙辰有流星聲如頹墙光燭

元年十一月戊寅流星入北斗魁中七已流星燭地有

有聲如雷咸亨元年十一月西方有流星聲如雷調露

里次定日車全書 三 漢書曰星搖者民勞十二年十月五辰流星大如桃色 勝數天星盡搖至曙乃止占曰星民象流者失其所也 |計奚契丹出師之夕有大星順于管中開元二年五月 有流星出太微至相減延和元年六月幽州都督孫住 維皆雖景雲元年八月已未有流星出五車至上台減 九月甲申有流星出中台至相滅太極元年正月辛卯 乙卯晦有星西北流或如甕或如斗貫北極小者不可 天地景龍二年二月癸未有大星隕于西南聲如雷野 唐書

黃有尾長六丈餘出南方沒于東北東北于中國則幽 曙星流如雨大歷二年九月乙丑書有星如一斗器色 年六月丁卯有妖星隕于汾州十二月两寅自し夜至 長數文蛇行屈曲有碎光迸出占曰是謂枉失廣德二 辛亥有星如月墜于東南墜後有聲至德二載賊將武 赤黄有光燭地占曰色赤為將軍使天寶三載里二月 光燭地墜賊管中十一月壬戌有流星大如斗東北流 令珀圍南陽四月甲辰夜中有大星赤黃色長數十丈

為貴使六年九月甲辰有星西流大如一斗器光燭地 州分也三年九月乙亥有星大如斗北流有光燭地占 長二丈入濁十二年二月辛亥有流星如桃尾長十 有尾送光如珠長五丈出發女入天市南垣滅八年六 出匏瓜入太微建中四年八月庚申有星隕于京師與 月戊辰有流星大如一升器有尾長三丈餘入太微十 二月壬申有流星大如一升器有尾長二丈餘出然機 濁十年三月戊戌有流星出于西方如二升器有尾 唐書

為日在成魯分也不及十年其野主殺而地分九年正 流星大如一解器墜于充軍問聲震數百里野雉皆雄 ·北州獨如畫聲如雷元和二年十二月已已西北有流 元元年六月戊午星或什或伍而隕貞元三年閏五月 星旦天尾散如珠占曰有貴使四年八月丁丑西北有 大星東南流聲如雷鼓六年三月戊戌日脯天陰寒有 所墜之上有赤氣如立蛇長丈餘至夕乃滅時占者以 戊寅、枉天墜于虚危十四年閏五月辛亥有星墜于東 定匹库全書

鉗

流須臾有聲襲聲逐地有大聲如壞屋者三在陳祭間 滅十二年九月已亥甲夜有流星起中天首如甕尾如 軒轅而減占口有赦赦視星之大小十五年七月癸亥 月辛已有大流星尾迹長五丈餘光燭地至右攝提西 月有大星如半席自下而升有光燭地犀小星隨之四 有大星出鉛陳南流至妻減長慶元年正月丙辰有大 一百斛船長十餘丈聲如羣鴨飛明若火炬過月下西 四年五月已亥有大流星出北斗魁長二丈餘南抵

有流星出天市光燭地隱隱有聲至郎位滅市者小人 前銳後大長二丈餘西北流入雲中減二年四月辛 七星南滅四月有大星墜于吳聲如飛羽七月七已有 星出狼星北色赤有尾迹長三丈餘光燭地東北流至 **鱼灾四库全** 林滅八月辛已東北方有大星自雲中出色白光燭地 大流星出参西北色黃有尾迹長六七丈光獨地至羽 所聚郎在天廷中主宿衛六月丁酉有小星隕于房心 巻三十 二

間戊戌亦如之已亥亦如之閏十月丙申有流星大如

斗抵中台上星三年八月丁酉夜有大流星如數斗器 起西北經產妻東南流去月甚近迸光散落墜地有聲 船犯斗題極星而減占回有舟機事两子有大流星出 福星光燭地入濁占曰有裁二年五月葵已西北有流! 星長三丈餘光燭地入八市中滅占為有誅七月丙戌 天將軍東北入濁寶歷元年正月乙卯有流星出北斗 四年四月紫微中星隕者衆十月乙卯有大流星出天

日初入東南有流星向南減以晷度推之在箕斗間八

月丁酉自昏至丁夜流星二十餘縱横出沒多近天漢 悟滅有聲如雷河鼓為將軍天格者帝之武備九年六 奉車御官也太和四年六月辛未自昏至戊夜流星或 流星出河鼓赤色有尾迹光燭地迸如散珠北行近天 月丙申有大流星出王良長四丈餘至北斗杓減王良 大或小觀者不能數占曰民失其所王者失道綱紀廢 及曙四方流星大小縱横百餘八年六月辛己夜中有 則然又回星在野象物在朝象官七年六月戊子自己 卷三十二

流入大角下沒行類在矢中天有聲小星數百隨之十一 開成二年九月丁酉有星大如斗長五丈自室降西北 出羽林有尾迹長八丈餘有聲如雷羽林天軍也十二 没四年二月已亥丁夜至戊夜四方中天流星小大凡 一月丁五有大星隕于興元府署寝室之上光燭庭宇 月壬申出尤旗見會昌元年六月戊辰自昏至戊夜小 二百餘並西流有尾迹長二丈至五丈八月辛未流星 三年五月乙丑有大星出于柳張尾長五丈餘再出再


年十一月丁酉有星出如匹練亘空化為雲而沒在恭 通六年七月乙酉甲夜有大流星長數丈光樂如電產 夜中有流星赤色如桃光燭地有尾迹貫然微入濁咸 東北流光燭地有聲如雷四年八月丙午有大星如炬 光燭地東北流經王良有聲如雷十一月壬寅有大星 火光燭天地自奎婁掃西北七宿而隕六年二月辛丑 星數十級横流散占曰小星民象七月東午北方有星 小星隨之自南祖北其象南方有以衆叛而之北也九 卷三十二

市入羽林滅占為外兵中和元年有異星出于輿鬼占 冬有二星一赤一白大如斗相隨東南流燭地如月漸 者以為惡星八月已母夜星隕如雨或如在稅者交流 徐行隕于西北四年七月有大流星如盂自虚危歷天 大光芒猛怒三年畫有星如炬火大如五升器出東北 相從至中天狀如旌旗乃隕九月蚩尤旗見敢符二年 分是調長東見則兵起十三年春有二星從天際而上 如織東軍夜亦如之至丁酉止三年十一月夜星隕于

庫鴨飛占為姦謀光化元年九月丙子有大星墜于北 雷雨電有星大如校起西南墜于東北色如鶴練聲如 長一丈五尺屈曲而隕占曰長東也下則流血三年五 州後有光長丈餘狀如蛇或曰枉矢也三年六月天暴 雷是調管頭其下破軍殺將乾寧元年夏有星隕于越 月秦宗權權兵于汴州北郊畫有大星預于其營聲如 閣前聲如雷光炎燭地十月壬戌有星出于西方色白 西北如雨光啓二年九月有大星隕于楊州府署延和

方三年三月丙午有星如二十斜船色黃前銳後大西 中天三夕乃滅天祐元年五月戊寅し夜雨晦順有星 長星二年三月乙丑夜中有大星出中天如五斗器流 長二十丈出東方西南向首黑尾赤中白在矢也一曰 明日有大星如月自東濁際西流有聲如雷尾跡横貫 南行十一月中天有大星自東緩流如帶屈曲光疑著 天食頃乃減是謂枉矢天復三年二月帝至自鳳翔其

至西北去地十文許而止上有星芒炎如火赤而黄長



第三頁前上行乃如 謹 第四頁後四行如渾天游儀刊本儀批旋據舊書 第三頁前六行後魏解蘭所造利本解訛斛據舊 文志改 書 案卷三十一第二頁前八行全無南北之異利 本全批國據舊書李淳風傳改 天文志改 天文志 改 膠 柱刊本柱 批柱據舊書天

金贞 四月全書 第四頁後六行衛施于軸中列本施批旋據舊書 第七頁前四行是謂氣光利本氣訛棄據文獻通 第三頁前二行永隆元年刊本元訛九據文獻通 卷三十二第二頁後三行麟德三年案文獻通考 考改 考改 三作二與此異 天文志改



校絲校

腇

绿監

生

所讀

校對官編修臣周厚轅總校官無吉士臣侍 朝

欽定四庫全書皆要史部

詳校官編修正王天禄



欽定四庫全書管要卷五千一百六十四史部 國吉義寧二年三月丙午幾惑入東井占曰大人憂武 月五星凌犯及星變隋大業十三年六月鎮星贏而放 參參唐星也李淳風曰鎮星主福未當居而居所宿 唐書卷三十三 远第二十三 天文志 林 學 唐書 歐 陽 修 撰

熒惑犯右執法占曰執法大臣象二年七月戊寅月 牽牛凡月與列宿相犯其宿地憂牽牛吳越分九月庚 月太白畫見六月丁已經天已未又經天在秦分丙寅 與鬼西南星占曰大臣有誅七年六月癸惑犯右執法 寅太白畫見冬熒惑守五諸侯六年七月癸卯榮惑犯 月戊寅歲星犯畢占曰邊有兵八年九月癸丑熒惑 皮四月百 · 太微太微天廷也冬太白入南斗斗主爵禄九年五 元年五月庚午太白畫見占曰兵起臣疆六月丙子

過度一日餘五年五月庚申鎮星犯健閉占為腹心喉 年二月癸未癸惑入輿鬼占曰賊在大人側十二年六 之占曰熒惑主禮禮失而後罰出馬軒轅為後官十一 舌臣九年四月丙午熒惑犯軒轅十年四月癸酉復犯 貞觀三年三月丁丑歲星逆行入氏占曰人君治宫室 月辛卯熒惑入東井占曰旱十三年五月乙已犯右執 甲寅畫見八月丁已畫見太白上公經天者陰乘陽也

dulo Ba

唐書

月犯氏氏為天子宿宫已卯太白晝見七月辛亥晝見

太微東上相十六年五月太白犯畢左股畢為邊將六 前星癸酉逆行犯鉤鈴葵感常以十月入太微受制而 月戊戌晝見九月已未熒惑犯太微西上将十月丙戌 壬午月入太微占曰君不安十五年二月獎惑逆行犯 法六月太白犯東井北轅井京師分也十四年十 何其所守犯天子所誅也鍵閉為腹心喉舌臣 四月白雪 闔天心皆貴臣象十八年十一月乙未月掩鉤 犯左執法十七年二月犯鍵閉三月丁巳守

亦罰星也二十年七月丁未歲星守東壁占曰五穀以 月巴五獎惑犯東井占曰旱四月巴已月犯五諸侯獎 十二月辛已太白犯建星占曰大臣相語永徽元年二 月 水傷二十一年四月戊寅月犯幾惑占曰貴臣死十 犯左執法光芒相及箕斗問漢津高麗地也太白為兵 九年七月壬午太白入太微是夜月掩南斗太白 右執法七月太白畫見し旦鎮星守東井占曰旱閏 丁丑月食昴占曰天子破匈奴二十二年五月丁亥

d.to

唐書

惑犯與鬼占曰諸侯凶五月已未太白晝見二年六月 惑入與鬼八月丁卯入軒轅顯慶元年四月丁酉太白 六年七月乙亥歲星守尾占曰人主以嬪為后已丑类 五諸侯五月戊子掩右執法四年六月已五太白晝見 又吳越分也丁亥歲星掩太微上将二月已丑樂惑犯 犯東井北轅占曰泰有兵五年二月甲午熒惑入南斗 乙未太白晝見三年正月壬戌犯牽牛牵牛為将軍 丑太白入太微犯右執法九月甲午犯心前星十二 四周白雪

龍朔元年六月卒已太白畫見經天九月癸卯犯左執 東井二年五月庚申入軒轅三年正月乙巳月犯軒轅 法二年七月巴丑熒惑守羽林羽林禁兵也三年正月 六月戊申復犯之南斗天廟去復来者其事大且久也 四月壬寅入與鬼犯質星乾封元年八月乙已啖惑入 已卯犯天街占曰政塞姦出六月乙酉太白入東井占 大星咸亨元年四月癸卯月犯東井占曰人主憂七月 君失政大臣有誅麟德二年三月戊午熒惑犯東井

A ALL DA

唐書

壬申熒惑入東井占曰旱丙申月犯影惑占曰貴人死 白犯牽牛占曰将軍凶儀鳳二年八月辛女太白犯 寅熒惑犯房占曰君有憂一曰有喪二年正月丁卯 相位也五年六月壬寅太白入東井上元二年正月 轅左角左角貴相也三年十月戊寅獎惑犯鉤鈴四 二月丙子裝感入太微二年四月戊辰復犯太微垣 国永隆元年五月癸未犯與思丁酉太白晝見經天 四月戊午入羽林占曰軍憂調露元年七月辛己入

四月白言

卷三十三

是謂陰乘陽陽君道也永淳元年五月丁已辰星犯 井北轅辰星為廷尉東井為法令失道則相犯也十二 思去而復来是謂句已垂拱元年四月癸未辰星犯東 月戊子月掩軒轅大星二年三月丙辰復犯之萬歲通 與鬼三年三月辛亥歲星犯左執法久視元年十二月 元年五月庚午太白犯天關天關主邊事二年獎惑入 天元年十一月乙丑歲星犯司怪占曰水旱不時聖思 九月庚戌於惑入與鬼犯質星十一月七未復犯與

四日日 日日 一段

唐書.

星凌犯軒轅者六長安二年獎惑犯五諸侯渾儀監尚 獻甫奏臣命在金五諸侯太史之位火克金臣将死矣 辛巴掩氏西南星占曰賊臣在内二年閏正月丁卯 太史之位卿無憂矣是秋獻南卒四年熒惑入月鎮星 甲戌晦熒惑犯軒轅自乾封二年後月及熒惑太白辰 天闊神龍元年三月癸巳炭感犯天田占曰早七月 后曰朕為卿禳之以獻南為水衡都尉水生金又去 軒轅后星九月壬子熒惑犯左執法已已月犯軒轅

后星十一月辛亥犯昴占曰蕃王死戊午熒惑入氏 星犯 月丁酉犯天江占曰旱三年五月戊戌太白入與思 太白襲月占曰太白兵象月大臣體二年十一月 京師分也四年二月癸未獎惑犯天街五月甲子 占曰大臣有誅景龍三年六月葵已大白畫見在東 五諸侯景雲二年三月壬申太白入羽林八月已 執法三月壬申熒惑入東井先天元年八月甲

子熒惑犯司怪開元二年七月已丑太白犯與鬼東南

唐書

七東井京師分也至德二載七月已酉太白畫見經 星七年六月甲戌太白犯東井鐵星占曰斧餓用八年 至於十一月戊午不見歷春周楚鄭宋燕之分十二月 主去其宫十四載十二月月食歲星在東井占曰其國 五年六月壬戌幾惑犯房二十七年七月辛丑犯南斗 月 月庚午犯東井北轅五月甲子犯軒轅十一年十 定四庫全書 曰貴相凶天寶十三載五月熒惑守心五旬餘占曰 丁卯歲星犯進賢十四年十月甲寅太白畫見二十

歲星犯軒轅大星占曰女主謀君乾元元年五月癸十 月掩心前星占曰太子憂六月癸丑入南斗魁中占曰 歲星占曰饑永泰元年九月辛卯太白晝見經天大 月 人憂二年正月癸未歲星蝕月在翼楚分也一日畿 癸未歲星掩房占曰将相憂三年建子月癸巳月: 出易北八月丁卯又掩昴寶應二年四月已五月上 月掩昴占曰蕃王死八月巴酉太白犯進賢十 丙辰月犯心中星占曰主命惡之上元元年五 たま 上三 月

た

三日華全書

二年七月癸亥熒惑入氏其色赤黄乙丑鎮星犯水位 占曰有水災乙亥歲星犯司怪八月壬午月入氏丙申 歲星入與思占曰歲星為貴臣與思主死喪丁丑炭惑 南斗在燕分十二月丁丑犯壘壁占曰兵起三年正月 犯畢九月戊申歲星守東井占皆為有兵乙丑熒惑犯 |炭感守房上相丙午有芒角三月壬午逆行入氏中是 壬子月掩畢八月巴未復掩畢辛酉入東井九月壬申 入太微二旬而出已卯太白犯左執法四年二月壬寅

星庚辰月入太微九月壬辰熒惑犯哭星庚子犯泣星 已月掩畢入畢中壬子月犯太微八月甲戌熒惑犯鄭 酉 壁甲戌月入軒轅占曰憂在後宫十一月壬寅入 夜月掩畢丁未入太微十月丁卯掩畢已已熒惑犯 占曰大臣相譖五年二月乙已歲星入軒轅六月丁 月犯進賢庚子犯民庚戌太白入東井六年七月乙 两午掩氏十二月巴巴入太微七年正月七未犯軒

語書

鎮星犯與鬼七月戊辰熒惑犯次相九月丁卯犯建

轅二月戊午掩天關占曰亂臣更天子法令已已啖惑 常度也占曰秦有兵乙未月入軍中癸未入羽林已五 癸丑歲星掩房占曰将相憂又宋分也甲寅獎惑入壘 犯天街四月丁已入東井辛未歲星犯左角占曰天下 畢壬戌入輿鬼掩質星庚午月及太白入氏中占曰君 壁五月庚辰入羽林七月已卯太白入東井留七日非 之道不通壬申月入羽林五月丙戌入太微八年四月 白入太微占曰兵入天廷八月畫見十月丁巳月掩

定四库全書

卷三十三

月巴卯月掩南斗原辰入太微七月甲辰掩房辛亥 斗占曰大臣有誅十二月戊辰月入羽林十年三月 東井癸酉入羽林九年三月丁未熒惑入東井四月 衣會不曰犯而曰入蓋鉤鈴間癸丑月掩天関甲寅 又曰有赦申子熒惑入氏宋分也十月戊子歲星 丑月入太微五月已未太白入軒轅占曰憂在後宫 林壬戌入與鬼九月辛丑太白入南斗占曰有 害書

有哭泣事十一月已卯月入羽林癸未太白入房占曰

鉑 月壬戌月入太微四月乙未掩心前星五月丙辰入太 庚戌熒惑入壘壁四月甲子入羽林八月戊辰月入太 月壬午復入羽林自六年至此月入太微者十有二 月 月掩 月乙未鎮星入氏中占曰其分兵喪李正已地也三 定匹庫在書 一 戊戌入羽林七月唐成入南斗乙亥幾感入東井 十一年閏八月丁酉太白晝見經天十二年正月 壬辰月掩昴庚子入太微十一月乙卯入羽林十 軒轅癸酉掩心前星宋分也丙子入南斗魁中 琴三十三

年四月太白畫見十一年七月獎感太白相繼犯太微 者大半三年七月月掩心中星貞元四年五月丁卯月 歲星皆入南斗魁中十四年春歲星入東井建中元年 憂六年五月戊辰月犯太白間容一指占曰大将死十 犯歲星在營室六月癸卯熒惑逆行入羽林占曰軍有 尸天尸輿鬼中星占曰有妖言小人在位君王失樞死 月月食歲星在秦分占曰其國亡是月歲星食天

羽林者八啖惑三入東井再入羽林三入壘壁月太白

星占曰大臣死四月丙子太白犯東井北轅已卯月犯 也二年正月癸丑月犯太白于女虚二月壬申月掩歲 年十二月丙午月犯畢已酉歲星犯太微西垣将相位 早祥也二十一年正月已酉太白犯昴趙分也永貞元 房上相三年三月乙未鎮星蝕月在戊占曰其地主死 上将十三年二月戊辰太白入昴三月庚寅月犯太白 定四馬全書 九年三月熒惑入南斗色如血斗吳越分色如血者 元和元年十月太白入南斗十二月復犯之斗吳分

五月癸亥獎惑犯右執法六月已亥月犯南斗魁八 亥掩心中星占曰其宿地凶心豫州分壬辰月掩軒 四年九月癸亥太白犯南斗七年正月辛未月掩以 月 月太白入南斗至十月出乃畫見幾惑入南斗中因 魁中十一年二月丙辰月掩心是月袋惑入氏因逆 犯之南斗天廟又丞相位也十年八月丙午月入南 月掩左執法九年二月丁酉月犯心中星七月至 癸酉月犯五諸侯十月已五獎惑犯太微西上将

唐書

欽 行三月巴丑月犯鎮星在女齊分也四月丙辰太白犯 鎮星在危亦齊分也十二年三月丁丑月犯心十三年 與鬼占曰有修臣六月甲辰月掩心後星是月熒惑復 星十月甲子月犯昴趙分也十四年正月癸卯月犯南 因逆留至于七月在南斗中大如五升器色赤而怒乃 正月七未歲星逆行犯太微西上将三月熒惑入南斗 入底是謂句已十一月戊寅月犯歲星十二月甲午犯 定四庫全書 行非常也八月甲戊太白犯左執法乙已熒惑犯哭

東井鉞遂犯南轅第一星二月乙灾太白犯昴趙分 白 庚申獎惠逆行入羽林八月已卯月掩奉牛吳越分也 中星十五年正月丙申復犯中星四月太白犯昴七月 丁亥月犯歲星在尾占曰大臣死燕分也三月庚戌太 魁占曰相凶五月丙戌月犯心中星七月乙酉掩 分占曰兵起七月壬寅月掩房次相九月乙已太白 犯五車因畫見至於七月以歷度推之在唐及趙 月壬子月犯東井北轅長慶元年正月丙午月梅

吾書

欽 而前遂犯井鉞占曰所居宿久國福厚易福薄又曰贏 三月庚午太白犯東井北轅遂入井中畫見經天七日 甲子月掩牽牛中星占曰吳越凶十一月丁丑掩左角 丙戌鎮星依歷在觜觿贏行至參六度當居不居失行 定四庫全書 占曰天国上帝之蔵耗祥也十月熒惑犯鎮星于昴 左執法二年九月太白晝見幾惑守天困六旬餘 出因犯與思京師分也五月乙夾月掩畢大星六月 二月復掩之占曰将死甲寅月犯太白于南斗四年 参三十三

參鎮星守天閣十二月戊子月掩東井實歷元年四月 為王不寧鉞主斬刈而又犯之其占重癸未幾惑犯由 月 畢十月辛亥犯天困十一月庚辰鎮星復犯東井癸未 犯東井甲子月掩畢大星癸未太白犯南斗丙戌月犯 壬寅榮惑入與思掩積尸七月癸卯犯執法甲辰鎮星 占曰相凶十月卒已月入畢口十一月幾感逆行 犯東井二年正月甲申犯左執法戊子入于氐二月 丁亥入井中已丑太白犯軒轅右角因畫見至於 唐書

熒惑犯右執法太和二年正月庚午月掩鎮星七月 月 元年九月及兹而五五月月掩熒惑在太微西垣丙戌 丙 辰熒惑掩與思質星十月丁卯月掩東井北轅三年 掩畢三月癸丑入畢口掩大星月變于畢者自寶歷 午犯畢五月甲午獎感犯昴六月太白犯昴七月壬 スチ で卵 犯畢八月庚戌啖惑犯與思太和元年正月庚午 南斗四年四月庚申月掩南斗杓次星十一 太白犯界壬申炭感掩右執法七月入于氏 甲

鉈

定

四库全書

炭三

星遂犯與惑七月甲午月掩心中星丙申掩南斗口第 庚子幾感鎮星合于亢十二月丙戌月掩昴是歲月 星九月丁已入于箕戊辰入于南斗癸酉太白入 七年五月甲辰幾惑守心中星六月丙子月掩心中 太白畫見七月戊戌月掩心大星辛丑掩南斗杓次 冬鎮星守角八年二月始去七月戊子月犯昴十 犯南斗杓次星六年四月辛未月掩鎮星于端門 唐書 十四

辛未幾惑犯右執法五年二月甲申月掩幾惑三月幾

歲星在危開成元年正月甲辰太白掩建星占日大臣 月 相 翼勢六月庚寅月掩歲星在危而暈十月庚辰月復 南斗者五占曰大人憂九年夏太白畫見自軒轅至于 月壬子太白入太微遂犯左右執法九月丙子月掩 白入于東井七月壬申月入南斗丁亥掩太白于柳 月 掩昴而暈太白亦有暈六月巴酉大星畫見庚申太 定匹庫全書 壬申月掩昴二月已亥月掩太白于昴中六月甲寅 語六月丁未月掩心前星八月乙巳入南斗二年

掩東井七月乙未月犯熒惑占曰貴臣死八月壬申熒 乙酉入與鬼五月辛酉太白犯與鬼庚午月犯心中星 三年二月已酉掩心前星二月戊午幾惑入東井三月 寅太白犯右執法七月乙丑月掩心前星十月平 申熒惑入與鬼四月太白歲星入與鬼五月辰星見 白犯南斗四年二月丁卯月掩歲星于畢十月辛 犯鐵逐入東井十月戊午辰星入南斗魁中占曰大 五年春木當王而歲星小問無光占曰有大喪二月

唐書

太白犯東井十月两戌月掩歲星于角三年三月丙申 申月掩畢大星十月癸未太白與幾感合逐入南斗 中八月丁丑犯與鬼十月壬午晝月食太白于九四年 月丁酉獎惑入與鬼中占曰有兵喪十二月庚午月犯 于七星色赤如火七月乙酉月掩鎮星會昌元年閏 又掩歲星於角七月癸巳幾惑入東井色蒼赤動搖井 月歲星守房掩上相熒惑逆行守軒轅四旬乃去庚 白于羽林二年正月壬戌掩太白于羽林六月丙寅 四月白豆

常星畫見四年七月月犯房六年冬歲星入南斗魁中 占曰有反臣光啓二年四月熒惑犯月角文德元年七 行守心乾符二年四月庚辰太白晝見在昴三年七月 光遂犯左執法丙申掩牽牛南星遂犯歲星牽牛揚州 分大中十一年八月熒惑犯東井咸通十年春熒惑逆 犯畢大星丁亥月出無光犯獎感於太微頃之乃稍有 轅大星九月癸已幾惑犯太微上将六年二月丁五

唐書

年二月壬午太白掩昴五月辛酉入畢口八月壬午犯

月 元年七月甲辰月犯心乾寧二年七月癸亥幾惑犯心! 两午月入南斗八月袋感守與鬼占曰多戰死能紀 5四庫全書 1 卷三十三

光化二年鎮星入南斗三年八月壬申太白應見在民 不見至九月丁夾乃見是謂當出不出十一月丁未太 犯月因畫見天復元年五月旬丁酉至于已玄太白

書見經天在井度十月大角五色散搖煌煌如火占曰

太白遂犯端門又犯長垣中星占曰賊臣謀亂京畿上

王者惡之二年五月甲子太白襲熒惑在軒轅后星上

虚十一月丙戌太白在南斗去地五尺許色小而黄 明 年正月乃高十丈光芒甚大是冬葵惑徘 城有火災胡兵起六月甲午太白在張芒角甚大癸 占曰負海之國大水是歲鎮星守虚三年二月始 西色赤炎燄如火王辰有三角 久而不去京師分也天祐元年二月年卯太白夕見 下又曰山推石裂大水竭庚子辰星見氏中小 如花而動摇占曰 御于東井

十月甲戌太白夕見在斗去地一丈而墜占曰兵

歃 丑 復初三年八月丙午歲星在哭星上生黄白氣如孛 句巴犯水位自夏及秋大角五色散摇煌煌然占同 定四庫全書 卷三十三

五星聚舎武德元年七月丙午鎮星太白辰星聚于 關中分也二年三月丙申鎮星太白辰星復聚于東

九年六月已卯歲星辰星合于東井占曰為變謀貞

觀十八年五月太白辰星合于東井占曰為兵謀十九

年六月丙辰太宗征高麗次安市城太白辰星合于東

聚于尾箕炭惑先至而又先去尾箕燕分也占曰有德 則慶無德則殃十四載二月獎惑太白鬬于畢昴井鬼 曰有喪景雲二年七月鎮星太白合于張占曰內兵太 野為戰永徽元年七月辛酉歲星太白合于柳在秦分 占曰兵起景龍元年十月丙寅太白獎惑合于虚危占 元年四月熒惑太白合于東井天寶九載八月五星

至四月乃伏十五載五月熒惑鎮星同在虚危中天

井史記曰太白為主辰星為客為蠻夷出相從而兵在

莊出東方占曰中國利八年閏十一月壬寅太白辰星 官沛奏其地戰不勝衛分也大歷三年七月壬申五星 歲星也罰星先去而歲星留占曰歲星幾惑為陽太白 芒角大動摇占者以為北方之宿子午相衝災在南方 兵八月太白芒怒掩歲星于鶉火又畫見經天鶉火周 分也乾元元年四月炭感鎮星太白聚于營室太史南 辰星為陰陰主外邦陽主中邦陽與陰合中外相連以 至德二載四月壬寅歲星熒惑太白辰星聚于熟首從

定匹庫全書 |

日機旱吳越分也一曰不可用兵七月庚辰太白辰星 合于危齊分也十年正月甲寅歲星幾惑合於南斗占 辰星合于東井占為兵憂戊寅熒惑犯鎮星在奎魯分 于營室占曰其國亡地在衛分六年閏三月庚申太白 反臣角亢鄭也貞元四年五月乙亥歲星熒惑鎮星聚 關者戰象也與元元年春熒惑守歲星在角亢占曰有 四年六月炭感太白復關于東井京師分也金火罰星 合于柳京師分也建中二年六月熒惑太白鬬于東井

唐書

在齊分十年六月辛未歲星熒惑太白辰星合于東井 也元和九年十月辛未熒惑犯鎮星又與太白合于女 東井六月已未復合于東井占曰為變謀而更事十一 占曰中外相連以兵十一年五月丁卯歲星辰星合于 星太白合于奎占曰内兵徐州分也十二月熒惑鎮星 較占曰兵喪在楚分與南方夷貊之國十五年三月鎮 于危皆齊分也十四年八月丁丑歲星太白辰星聚于 月戊子鎮星幾惑合于虚危十二月鎮星太白辰星聚


定四月五十二

一歲星幾惑鎮星聚于七星三年四月壬申歲星犯鎮星 南斗占曰熊旱八月丙寅幾惑犯鎮星在界畢因留相 太白熒惑合于羽林十月太白熒惑鎮星聚于軫八年 占曰饑四年五月丙午歲星太白合于東井六年正月 月丁未啖感鎮星復合於東井與思問太和二年九月 既失行犯鐵而炭感復往犯之占曰內亂寶歷二年八 守占曰主憂四年八月庚辰熒惑犯鎮星于東井鎮星


唐書

合于奎占曰主憂長慶二年二月甲戌歲星熒惑合于

中幾感鎮星太白辰星聚于畢昴在趙魏之分部鎮州 兵起開成三年六月丁亥太白犯裝惑于張占曰有喪 王景崇被衮冕軍府稱臣以厭之文德元年八月歲星 于翼占曰旱四年十月癸未太白熒惑合于南斗咸通 合于東井京師分也會昌二年六月乙丑熒惑犯歲星 分占曰內外兵喪改立王公冬歲星獎感俱逆行失色 四年正月丁已熒惑太白辰星聚于南斗推歷度在燕 七月庚寅太白癸惑合相犯推歷度在翼近太微占曰 欠四月白言!



| | | | 1 | T | 1 | | _ |
|----------|---|---|---|---|---|-----|---|
| | | | | | | | ĵ |
| 由 | | | | | | | i |
| 鬥 | | | | 1 | 1 | 1 | |
| 書 | | | | 1 | | | 1 |
| | | | | | | | j |
| 唐書卷三十三 | | | | | İ | | |
| = | | | | | | | - |
| _ | | | ĺ | | | | - |
| 1 | | | | | | | _ |
| <u> </u> | | | | | | | 3 |
| - | | Ì | | | | | - |
| | | | 1 | | | | |
| | | | | | 1 | | |
| | | | ĺ | | | | |
| | | | | l | | | X |
| ĺ | | | | | | | ź |
| Ì | } | | | | | | 1 |
| | | | | | | | έ |
| 一十三 | 1 | | | i | | | |
| | j | | | | | | |
| | | | į | | | | |
| | | | | | | | |
| | | | l | İ | | | |
| | | ĺ | | | | | |
| | | | | | | | |
| | | | | | | | |
| | | | | | | | |
| | | | | | | | |
| | | | | | | l | _ |
| | | | | | | | |
| | | | | | | | |
| | | | | | | | |
| | | | | | 1 | 1 1 | |



動植之類各得其氣之偏者其發為英華美實氣臭滋 發於文章為五色而總其精氣之用謂之五行自三代 之後數術之士與而為災異之學者務極其說至舉 於四時也為五德禀於人也為五常播於音律為五聲 地萬物動植無大小皆推其類而附之於五物曰五行 屬以謂人禀五行之全氣以生故於物為最靈其餘 物者其見象於天也為五星分位於地也為五方行 羽毛鱗介文米剛柔亦皆得其一氣之盛至其為變 近くい

物茂盛而民以安樂謂之至治若政失其道用物傷天 萬物以足用若政得其道而取不過度則天地順成萬 曲繁密蓋王者之有天下也順天地以治人而取材於 失節以為水旱蝗螟風電雷火山崩水溢泉竭雪霜不 之大者皆生於亂政而考其所發驗以人事往往近其 非常失其本性則推以事類吉凶影響其說尤為委 被其害而愁苦則天地之氣珍三光錯行陰陽寒暑 雨非其物或發為氣霧虹蛇光怪之類此天地災異

most de design I

唐書

者皆不足道語曰迅雷風烈必變蓋君子之畏天也見 家人里巷之占有考於人事而合者有漠然而無所應 儒董仲舒劉向與其子歆之徒皆以春秋洪範為學而 有不可知者那若其諸物種類不可勝數下至細 失而以類至然時有推之不能合者豈非天地之大 有反常而為變者失其本性則思其有以致而為之 懼雖微不敢忽而已至為災異之學者不然莫不指 以為應及其難合則旁引曲取而還就其說蓋自漢

哉昔者箕子為周武王陳禹所有洪範之書條其事為 事皆属五行與則至於八政五紀三德稽疑福極之類 何 為五行傳乃取其五事皇極度證附於五行以為人 類別其說為九章謂之九疇考其說初不相附屬 病之説自其數術之學故器存之庶幾 深識博 而遷就其說也然自漢以来未有非之者又其祥 能附至俾洪範之書失其倫理有以見所謂旁引 唐書

聖人之本意至其不通也父子之言自相戾可勝

星字五石六端之類是已孔子於春 其事應益慎之也以 見其變則 早螟 士有以考而擇馬夫所謂災者被 埞 四庫全書 | 蝗之類是已異者不可知其 知 天之所 謂天道遠非諄諄以 以譴告 卷三十四 恐懼 脩 於物 所 秋記災異而不著 省而已若推 以 而可 然者也日 諭人而君子 知者 其事 食

窗

君子

此

而後世猶為曲説以妄意天此其

不可以傳

怠馬以為偶然而

不懼此其深意也盖聖人慎

而

應則有合有不合有同有不同至

於

不合不同

則

将使

曲 有姦謀則木不曲直謂生不暢茂多折稿及為變怪 其事應云 也故考次武德以来畧依洪範五行傳著其災異而削 體生上之病時則有青青青祥鼠妖惟金珍木木不 其性也又曰貌之不恭是謂不肅厥各狂厥罰常雨 直武德四年亳州老子祠枯樹復生枝葉老子唐祖 行傳曰田獵不宿飲食不享出入不節奪民農時及 極惡時則有服妖時則有龜孽時則有雞禍時則 有 mo

). I. W

唐書

國 月 占曰枯木復生權臣執政眭孟以為有受命者九年 灾 先寒故得雨而水也亦謂之樹介介兵象也顯慶四 之災永微二年十一月甲申陰霧凝凍封樹木數日 風三年十一月乙未昏霧四塞連夜不解丙申雨 麟德元年十二月癸酉氯霧終日不解甲戌雨木水 八月有毛桃樹生李李國姓也占曰木生異實國主 劉向以為木少陽貴臣象此人将有害則陰氣脅 順天門樓東柱已傾 月五き 毁而自起占曰木仆而自起

有 州 草木人多死長毒二年十月萬象神宫側裡杉皆變為 楊生李枝有實與顯慶中毛桃生李同二十九年亳 性也象小人居君子之位延載元年十月癸酉白霧 柏貫四時不改柯易葉有士君子之操捏杉柔脆小 老子祠枯樹復祭是年十一月已已寒甚雨木冰數 冰景龍四年三月庚申雨木冰景雲二年高祖故第 樹自天授中枯死至是復生開元二十一年遂州 唐書 五

垂拱四年三月雨桂子于台州旬餘乃止占曰天雨

E (禁貞元元年十二月雨木水四年正月雨木於陳留 月 定 里許大如指長寸餘中空所下者立如植木生于 生與元元年春亳州真源縣有李樹植已十四年 尺有八寸至是枝忽上聳高六尺周廻如蓋九尺餘 不解永泰元年三月庚子夜霜木有冰大歷二年 四库全書 姓也占曰木生枝聳國有寇盗是歲中書省枯 於霧如雪草木冰九年晉州神山縣慶唐觀枯 . 参三十四

自上間者上下易位之象碎而中空者小人象如

者自立之象二十年冬雨木冰元和十五年九月已酉 食之如李寶歷元年十一月丙申雨木冰大和三年成 國将亂長慶三年十一月丁丑雨木冰成都栗樹結實 元年十二月丁丑雨木冰四年正月已酉雨木冰唐戌 李樹生木瓜空中不實七年十二月丙戌夜霧木冰 雨樹無風而推者十五六近木自拔也占曰木自拔 成四年九月辛丑雨雪木水十月已已亦如之會昌 如之咸通十四年四月成都李實變為木瓜時人以

ו מעם על דשים

唐書

為李國姓也變者國奪於人之象廣明二年春眉州有 陽 雨 年九月關中久雨害稼天寶五載秋大雨十二載 曰賜 門益井禁婦人入街市祭玄冥太社祭明德門壞 久雨十三載秋大霖雨害稼六旬不止九月閉坊 更 春霖雨永徽六年八月京城大雨顯慶元年八月霖 九旬乃止開元二年五月壬子久雨榮京城門 已枯 少陰曰雨陽德衰則陰氣勝故常雨貞觀十五 倒一夕復生常雨武德六年秋關中久雨少

月 四 乃止上元元年四月雨記閏月乃止二年秋霖雨連 黄幡以祈晴六年八月連雨害秋稼貞元二年正月 未大雨雪至于庚子平地數尺雪上黄黑如塵五月 年四月雨至于九月閉坊市北門置土臺臺上置壇 **渠實生魚永泰元年九月丙午大雨至於丙寅大歷** 已雨至于丙申時大飢至是麥将登復大雨霖報 垣屋始盡人亦乏食至徳二載三月癸亥大雨至申

文

足曰華全書 一

唐書

懼十年春雨至閏四月間止不過一二日十一年

舍 鄆 坊 雨 曹 寧 市 至于九月戊子十五年二月癸未大雨八月久雨 雨 也六年七月霖雨害 十九年八月已未大霖雨元 濮等州雨壞城郭廬舍殆盡五年正月庚子朔京 沒 **址門宋滄景等州大雨** 好盡實歷元年六月雨至于八月大 雨 霑服罷十月再 稼十二年五月連 擇 自六月癸酉至于丁亥廬 Ð 册 和 又以 四年四月 雨霑服罷近常 雨 和四年夏 八月壬申 册皇太 閉

卷三十匹

陰雪

彌

旬開成五年七月霖雨葬文宗龍輔陷不

飲定四華全書一 事之象太尉長孫無忌以烏羊毛為渾脱檀帽人多效 眀 進大中十年四月雨至于九月咸通九年六月久雨崇 謂之趙公渾脱近服妖也高宗當内宴太平公主紫 乘馬者依周舊儀者幕羅全身障蔽永徽後乃用帷 年秋八月大霖雨天復元年八月久雨服妖唐初宫 王带皂羅折上中具紛礪七事歌舞于帝前帝與武 施裙及頸頗為沒露至神龍末幕羅始絕皆婦人預 德門乾符五年秋大霖雨汾會及河溢流害稼廣明 .唐書

后 為 為象冰犀節安樂公主使尚方合百鳥毛織二裙正視 時 秦米眼鼻觜甲皆備瞭視者方見之皆服妖也自作 后笑曰女子不可為武官何為此装束近服妖也武后 要臣張易之為母臧作七寶帳有魚龍鸞鳳之形 則集爲毛為之皆具其爲獸状工費巨萬公主初出 状皆見以其一獻幸后公主又以百獸毛為聽面幸 益州獻單絲碧羅籠裙縷金為花鳥細如絲髮大如 色傍視為一色日中為一色影中為一色而百鳥 仍

楚容等中子樣其制高而路即帝在藩邸時冠也故時 人號英王路路顛仆也開元二十五年正月道士尹悟 男 裙貴臣富家多效之江嶺奇禽異獸毛羽採之殆盡章 為齊娘以祭祀之服執事近服妖也中宗賜军臣宗 諫議大夫衣道士服視事亦服妖也天寶初貴族 民好為胡服胡帽婦人則簪步摇釵於袖窄小楊貴 妹當為豹頭枕以辟邪白澤枕以辟魅伏熊枕以宜! 亦服妖也景龍三年十一月郊祀章后為亞獻以婦

唐書

髙 髮者上不自樹也悲啼者憂恤象也文宗時吳越間織 雒 裹幞頭百官效之工門如市度木斫之曰此斫尚書頭 陽人為帽皆冠軍士所冠者又內臣有刻木象頭以 常以假鬢為首飾而好服黄裙近服妖也時人為之 頭草履織如綾殼前代所無履下物也織草為之又 正服而被以文飾益陰斜關茸泰侈之衆乾符五年 日義髻抛河裏黄裙逐水流元和末婦人為圓鬟椎 不設鬢飾不施朱粉惟以烏膏注唇状似悲啼者圓 四庫全書

鉑

埞

此 昭 極急及在成都蜀婦人效之時謂為囚髻唐末京都 宗時十六宅諸王以華修相尚巾情各自為制度都 度州獲龜六眼一夕而失肅宗上元二年有醫聚 效之則曰為我作某王頭識者以為不祥龜孽大足 梳髮以兩鬢抱面状 以琉 州城門上節度使鄧景山以問族弟廷對曰鼉介物 研将軍頭此所軍容頭近服妖也僖宗時內人束髮 5 璃為釵釧 A dis i 近服妖也抛家流離皆播遷之兆 唐書 如椎髻時謂之拋家髻又世 云

兵象也貞元三年潤州魚鼈蔽江而下皆無首大和三 者或弄木雞識者以為雞酉屬帝王之歲也關者兵免 權在蔡州州中地忽裂有石出高五六尺廣袤丈餘 魏博管內有蟲状如龜其鳴晝夜不絕近龜孽也秦 二年春滑州臣城縣民家雞有三足京房易妖占曰 正月明 大龜雞禍垂拱三年七月冀州雌雞化為雄永昌 婦言則雞生妖玄宗好鬬雞貴臣外戚皆尚之貧 111 婎 雞化為雄八月松州 雌 雞化為雄景

窗

定四月百 TT

たこり 有青氣繞東宫殿始冊命而有沒不祥十八年六月五 六年七月徐州彭城民家雞生角角兵象雞小畜猶 者衆也青青青祥貞觀十七年四月立晉王為太子 得雉五足三足出背上足出于背者下干上之象 也下體生上之病咸通十四年七月宋州襄邑有獵 而雄鳴化為雌王室将卑之象及雌伏也漢宣帝時 雞化為雄至元帝而王氏始萌葢馴致其禍也咸通 į 唐書

雞禍也大中八年九月考城縣民家雄雞化為雌伏

無忌第有大鼠見于庭月餘出入無常後忽然死龍 戌有青黑氣廣六尺貫于辰戌其長亘天太和九年鄭 篋中藥化為蠅數萬飛去注始以藥術進化為蠅 死之象近青青也乾元三年六月昏西北有青氣 妖武德元年秋李密王世充隔洛水相拒密管中鼠 建州鼠害核二十一年渝州鼠害稼顯慶三年長孫 渡水盡去占曰鼠無故皆夜去邑有兵貞觀十 朔

贞

匹

厚全書

参三十四

元年十一月洛州貓鼠同處鼠隱伏象盜竊黏職捕

營東街楓樹蛇為鼠所傷鬭者兵象景龍元年基州鼠 州遣人捕擊殺之餘皆去景雲中有蛇鼠關于右威衛 害稼開元二年韶州鼠害稼干萬為群天寶元年十月 鼠長二尺餘為貓所嚙數百鼠反嚙豬少選聚萬餘鼠 右節度使朱泚於兵家得貓鼠同乳以獻太和三年成 那豬鼠同乳同乳者甚于同處大歷十三年六月龍

而反與鼠同象司盗者廢職容姦弘道初梁州倉有一

都豬鼠相乳開成四年江西鼠害稼咸通十二年正月

唐書

龍中有群狐入御史大夫李承嘉第其堂無故壞又東 鷄竿折樹鷄竿所以肆赦始發大號而鷄竿折不祥 衣三月止鼠盗也天戒若曰将有盗矣乾寧末陝州有 木賤人将貴之象乾符三年秋河東諸州多鼠穴屋壞 鼠關於南門之內蛇 死而鼠亡去金沙木武德元年 月戊戌突厥始畢可汗衙帳無故自壞中宗即位金 州孝義縣民家鼠多街蒿獨果樹上鼠穴居去穴登 而管直裂易之又裂開元五年正月癸卯太廟四字

四月

在這一

壞天寶十四載十二月哥舒翰師守潼關前軍於 王者之事天所以做者重矣太和九年鄭注為鳳翔節 殿受朝賀質明殿階及欄槛三十餘間自壞衛士死者 辛酉中書敦庫壞貞元四年正月庚戌朔德宗御含元 牙門旗至坊門觸落槍刃報以為不祥永泰二年三月 壞故隋之行臺門也制度甚宏麗云 使将之鎮出開遠門旗竿折光路初揚州府署門屋 餘人含元路寝大朝會之所御也正月朔一歲之元

善

主

盛火數起燔宫室益火主禮云又曰視之不明是謂不 哲厥各舒厥罰常燠厥極疾時則有草妖時則有羽蟲 三年三月壬寅雲陽石燃方丈畫則如灰夜則有光投 之孽時則有羊禍時則有目病時則有赤青赤祥惟水 珍火火不炎上貞觀四年正月癸已武德殿北院火十 上謂火失其性而為災也京房易傳曰上不儉下不節 五行傳曰棄法律逐功臣殺太子以妄為妻則火不炎

定四庫全書 一

参三十四

|草木則焚歷年乃止火失其性而珍金也二十三年=

景龍四年二月東都凌空觀災開元五年十一月乙卯 災也不宜貶損后乃御端門觀酺引建章故事復作明 月壬寅撫州火久視元年八月壬子平州火燔千餘家 火武太后欲避正殿徽樂宰相姚璹以為火因人非 餘家十一月已已饒州火證聖元年正月丙申夜明堂 慶元年九月戊辰恩州吉州火焚倉原甲仗民居二百 月甲弩庫火永徽五年十二月乙巳尚言司勲庫火 以厭之是歲內庫災燔二百餘區萬歲登封元年

其宫室九載三月華岳廟災時帝将封西嶽以廟災 左右延福門經日不減京房易傳曰君不思道天火燔 都官佛光寺火天寶二年六月東都應天門觀災延焼 柱災是年衛州災延燒三百餘家州人見有物大如甕 雷震左飛龍廐災占曰天火燒廐兵大起十月乙丑東 定陵寝殿火是歲洪州潭州災延燒州署州人見有物 定四庫全書 如燭籠所至火即發十八年二月丙寅大雨雪俄而 而墩墩飛来旋即火發十五年七月甲戌與教門樓 奏三十四

嚴寺浮圖災初有疾風震電俄而火從浮圖中出貞元 年十二月卒卯夜鄂州大風火發江中焚舟三千骸延 火燔民舍萬七千家元和七年六月鎮州甲仗庫災主 元年江陵度支院火焚江東租賦百餘萬十三年正月 及岸上民居二千餘家死者數千人大歷十年二月莊 之本也寶應元年十二月已酉大府左蔵庫火廣德元 都尚書省火十九年四月家令寺火二年七月洪州

止十載八月丙辰武庫災燔兵器四十餘萬武庫甲兵

鉱 吏坐死者百餘人八年江陵大火十一年十一月甲戌 陵火八年三月揚州火皆燔民舍千區五月已已飛龍 月陳州許州火燒萬餘家十月浙西火十一月揚州 元陵火李師道起宫室於鄆州将謀亂既成而火大和 年十一月甲辰禁中昭德寺火延至宣政東垣及門 省宫人死者數百人三年十月癸丑仗内火四年 定四庫全書 | 昭成寺火開成二年六月徐州火延燒民居三百: 駒中底火十月揚州市火燔民舍數千區十二月禁 参三十四

家四年十二月乙卯乾陵火丁丑晦揚州市火燔民舍 寺火萬年縣東市火焚廬舎甚很六年八月葵武宗至 未靈駕次三原縣夜大風行宫幔城火乾符四年十月 數千家會昌元年五月潞州市火三年六月西內神龍 雨震電或見有赤塊轉門熊藤網中周而火作頃之赤 都聖善寺火大順二年六月乙酉幽州市樓災延及 北飛轉佛閣藤網中亦周而火作旣而大雨暴至平 百少七月癸丑甲夜汴州相國寺佛閣災是日暮

į

1 dia 1/

唐書

二年岐州郡縣民王上賓家有苦蕒菜高三尺餘上 也貞元十四年夏大與元和九年六月大與長慶二 地水深數尺火益甚延及民居三日不減常燠天實元 德将衰下人将起則有木生為人状草亦木類也景龍 冬少雪水不冰凍草木萌夷如正月廣明元年十一 年冬無冰先儒以為陰失節也又曰知罪不誅其罰燠 如仲春草妖武德四年益州獻芝草如人状占曰王 則暑殺人冬則物華實益當寒反與象宜刑而賞之

奏三十四

柱生芝草状如天尊像上元二年七月甲辰延英殿御 草也重生者其類報也四年京畿藍田山竹實如麥占 年有喪十七年睦州竹實天寶初臨川郡人李嘉盾屋 並枯死是歲大饑民採食之占曰國中竹柏枯不出三 座上生白芝一並三花白丧象也太和九年冬鄭注之 曰大饑開元二年終南山竹有華實如麥嶺南亦然竹 尺餘厚二分近草妖也三年内出蒜條上重生蒜蒜惡 金帶有菌生近草妖也開成四年六月襄州山竹有實 1. Aug. 1997 唐書

丹堯君素守蒲州有鵲黑其砲機貞觀十七年春齊王 成米民採食之光啓元年七月河中解永樂生草葉自 基舍傍有獸高丈餘頭類羊一角鹿形馬蹄牛尾五色 宫顯德殿前太極三朝所會也永徽四年宋州人蔡道 麟将草生如旗状占曰其野有兵羽蟲之孽武德初隋 四月丙戌立晋王為太子雌雉集太極殿前雄雉集東 祐為齊州刺史好畜鴨有狸嚙鴨頭斷者四十餘是歲 楊結如旌旗之状時人以為旗子草二年七月鳳翔 四周白世

灾

者景龍四年六月辛巳朔烏集太極殿梁驅之不去開 有翅占曰鳥如畜形者有大兵五年七月辛已萬年 祥二十五年四月濮州兩鳥兩鵲兩點獨同巢龍州鵲 以告成功犯事無重於此者而野爲馴飛不忌禁衛 十二年十一月戊子雄雉馴飛泰山齊宫內封禪所 視之皆無首文明後天下屢奏雌雞化為雄或半化 繼敬野至二年正月還復北飛至靈夏北悉墮地而 小鳥如雀生子大如陽鳩調露元年鳴鴻羣飛入塞

東 三 車 全書

唐書

巢宣政殿棋天寶十三載葉縣有鵲巢于車轍中不巢 哺慈烏二十八年四月庚辰慈烏巢宣政殿棋辛已又 木而巢地失其所也至德二載三月安禄山将武命珣 林軍有鸜為乳鵲二貞元四年三月中書省梧桐樹有 圍南陽有鵲巢于城中砲機者三雛成乃去大歷八年 鹊以泥為巢鵲巢知歲次於羽蟲為有知今以泥露巢 月武功獲大馬內翅孤首四足有爪長四尺餘毛赤 蝙蝠犀鳥隨而噪之近羽蟲孽也十三年五月左羽

陽人適野聚觀者旬日十八年六月烏集徐州之滕縣 有黃雀往來哺食十四年秋有異鳥色青類鳩鵲見於 年四月有大鳥飛集宫中食雜骨數日獲之不食死六 焚之信宿又然烏口皆流血九年春許州鵲哺烏雛十 淄青李納境內街木為城高二三尺方十里緒納惡而 遇風雨壞矣是歲夏鄭汴境内烏皆群飛集魏博田緒 月辛未晦水鳥集左蔵庫十三年十月懷州鷦鷯巢內 郊外所止之處群鳥異衛朝夕噪稻梁以哺之 吾書 九 雎

嗛柴為城中有白鳥一碧鳥一元和元年常州鵲巢于 占又以高下上水旱今不巢于木而穴于冢不祥秋突 冢二年三月真與門外鵲巢於古冢鵲巢知避歲而古 烏自塞北群飛入塞五年六月有禿鶩群飛集禁苑 禁實歷元年十一月丙申群烏夜鳴開成元年閏五 丙戌烏集 唐安寺逾月散雀集玄法寺舊集蕭望之 府署及城中烏鵲互取其雛各以哺子更相搏擊不 地四年十二月羣爲夜集於太行山上十三年春淄

定四庫全書 一

参三十四

相 去京房易傳曰賊臣在國厥妖舊生雀雀生舊同說十 甘 禽山鳥無不馴 十年三月舒州吳塘 鶩水爲也會昌元年潞州長子有白頭烏與鵲關大中 食咸通七年涇州靈臺百里成有雀生灣至大俱飛 足鳴山林其聲曰羅平占曰國有兵人相食乾符四 年夏雉集河内縣署咸通中吳越有異鳥極大四目 人謂之甘蟲占曰有無常来宿于邑中國有兵人 押中有如人面綠毛紺爪觜者其聲曰 堰 有衆禽成巢闊七尺萬一尺水

). 1 m 1

唐書

〒

異城縣有偽鶴馬群飛集縣署眾馬逐而噪之光啓元 年二月復如之偽館一名訓 為變為鵲二年有鵲變為為古者以為下軍之勝負為 年春廬江縣北鵲巢于地六年夏與雉集于偃師南樓 變為鵲民從賊之象鵲復變為烏賊復為民之象三年 及縣署劉向説野鳥入處宫室将空廣明元年春終州 贞 安縣吏家捕得班養之與雞馴月餘相與關死四年 淮連水民家鷹化為鵝而弗能游鷹以熱而擊武臣 眉 卷三十四 狐中和元年三月陳留有

其舍三年十月慈州仵城泉與鴻鬭相殺光化二年幽 其樂三年七月鵲復焚樂京房易傳曰人君暴虐馬焚 背而連頸者棲集津倉無後數月犀雉數百来關殺之 而已光啓元年十二月陝州平陸集津山有雄二首向 象也鹅雖毛羽清潔而飛不能遠無搏擊之用充庖厨 二年正月関鄉湖城野雉及舊夜鳴七月中條山鵲焚 節度使劉仁恭屠貝州去夜有鴻鶴鳥十數飛入帳 逐去復來的宗時有禿鶖鳥巢寢殿隅帝親射殺之

٠.

唐書

存羊禍義寧二年三月丙辰麟造縣有羔生而無尾是 有火光如散星集于戟門明日大火曹局皆盡惟兵械 前諸樹岐人謂之神為三年宣州有馬如雉而大尾 崞縣羊生二首連頸兩尾占曰二首上不一也咸通 肉角羊二年三月富平縣有肉角羊會昌二年春代 復二年帝在鳳翔十一月丁已日南至夜驟風有息 乙丑太原獻殺羊無頭而不死開元二年正月原州 千迄明飛噪數日不止自車駕在岐常有鳥數萬棲 月白言 卷三十四

崇真之子横抗等夜宴忽有氣如血腥武后時來俊臣 祥武德初突厥國中雨血三日光宅初宗室岐州刺史 年夏平尚民家羊生羔如犢乾符三年洛陽建奏 因暴雨有物鹽地如殺羊不食頃之入地中其跡 水将飲之則化為血孝恭曰盌中之血公祐授首之 間王孝恭征輔公祐宴羣帥于舟中孝恭以金盌 不滅或以為雨工也占曰當旱赤青赤祥武德七年 月

家井水變赤如血井中夜有吁嗟嘆惋聲俊臣以木棧

時成王千里家有血點地及奩箱上有血淋瀝 欽 年七月癸巳赤氣際天光燭地三日乃止赤氣血祥 步又中即将東夷人毛婆羅炊飯一夕化為血景龍一 數旬而流血不止十二載李林甫第東北隅每夜火光 於今浮居史敬思禳之退朝裸而桎梏於叢棘間如是 天寶六載少陵原楊慎於父墓封域內草木皆流血慎 之木忽自投十步外長安中并州晉祠水赤如血中宗 是或有如小兒持火出入者近赤祥也寶應元年八 定四庫全書 卷三十四 腥聞數

甲戌雨赤雪于京師元和十四年二月鄆州從事院門 而墮也長慶元年七月戊午河水赤三日止寶歷元年 上至北斗十七年福州劍池水赤如血二十一年正月 黑雲中亘天十二年九月癸卯夜有赤氣如火見北方 承之血也貞元二年十一月壬午日沒有赤氣五出於 十三年二月太僕寺有泥像左臂上有黑汗滴下以紙 唐午夜有赤光 亘天貫紫微漸移東北彌漫半天大 地有血方尺餘色甚鮮赤不知所從来人以為自空 . . . 喜書

淺或深久而乃散大和元年四月庚戌北方有赤氣中 定 二月乙酉夜西北有霧起須臾遍天霧止有赤氣或 四庫全書] 卷三十四

有數白氣間之六月乙卯夜西北有赤氣八月癸卯京


見赤氣滿天二年閏三月乙卯北方有赤氣如血成


書政事堂忽旦有死人血污滿地不知主名又御井水

通七年鄭州永福湖水赤如凝血者三日乾符六年中

七月两午夜西北方赤氣如絳際天光啟元年正月潤

赤而腥漂之得一死女子腐爛近赤祥也中和二





卷三十四第四頁前三行五行傳曰云云案此志 第十七頁後四行五星聚舍刊本含訛合據通考 謹 字 所 案卷三十三第八頁後六行乙未月入壁中癸 兩漢書以洪範五事貌言視聽思為序此以 改 未入羽林案乙未至癸未相 叙五行前後與尚書大傳及兩漢書異大傳 上脱 某月二字 距四十八日疑癸 五

鉑 定四届全意 第十三頁後四行時則有羽蟲之孽案尚書大傳 第五頁後二行晉州神山縣慶唐觀案文獻通考 及劉向五行傳羽蟲俱作贏蟲此從劉歆傳統 慶作與與此異 行相生木火土 金水為序義各有取



磨録監生 F 汪名達校野官編修臣周厚轅